


漢書 七之七

五行志

0932	實	年
3	重	月
13	書	日
佛教大學藏書		
第	302893	号

共三十六







五行志第七上

班固

漢書二十七

正議大夫行秘書少監琅邪縣開國子頽師古注

易曰天垂象見吉凶聖人象之河出圖雒出書聖人則

之師古曰上繫之劉歆以為處義氏繼天而王師古曰

受河圖則而畫之八卦是也師古曰救效河禹治洪

水賜雒書法而陳之洪範是也師古曰取法雒聖人行

其道而寶其真降及于殷箕子在父師位而典之師古

王親虛己而問焉故經曰惟十有三祀王訪于箕子師古

下民相協厥居我不知其蠶倫道叙服虔曰鷹音陟也

曰祀年也商曰祀自此王廼言曰烏喙箕子惟天陰鷹

以下皆周書洪範之文

升也相助也協和也倫理也依所也言天覆下民王者
當助天居我不知居天常理所次序也師古曰騰音質
騰定也協和也天不言箕子廼言曰我聞在昔鯀陸洪
而默定下人助合其居箕子廼言曰我聞在昔鯀陸洪
水汨陳其五行應劭曰陸塞也汨亂也水性流行而鯀
師古曰汨音骨帝乃震怒弗畀洪範九疇彝倫道敷師
曰亂陳五行也帝乃震怒弗畀洪範九疇彝倫道敷師
類也九類即九章也敷敷也音丁故反鯀則廼死禹廼
嗣興師古曰廼誅也見誅天廼錫禹洪範九疇彝倫道
叙師古曰自此以此此武王問雜書於箕子箕子對禹得
雜書之意也初一日五行師古曰謂之行次二曰蓋用
五事師古曰蓋進也次三曰農用八政張晏曰農食之本食為
師古曰此說非也農厚也蓋次四曰叶用五紀應劭曰
用義例皆同非田農之義也次五曰建用皇極應劭曰皇
師古曰叶讀曰叶和也次五曰建用皇極應劭曰皇
師古曰叶讀曰叶和也

六曰艾用三德應劭曰艾治也治大中之道次七曰明
用稽疑應劭曰疑事明次八曰念用庶徵師古曰念思
也次九曰嚮用五福畏用六極應劭曰天所以嚮樂人
極凡此六十五字皆雜書本文所謂天廼錫禹大法九
章常事所次者也以為河圖雜書相為經緯八卦九章
相為表裏昔殷道弛文王演周易師古曰演廣也更廣
周道敝孔子述春秋則乾坤之陰陽效洪範之咎徵天
人之道粲然著矣漢興承秦滅學之後景武之世董仲
舒治公羊春秋始推陰陽為儒者宗宣元之後劉向治
穀梁春秋數其既福傳以洪範師古曰既古文禍字以
或作傳讀曰與仲舒錯師古曰錯至向子歆治左氏傳
附謂附著

其春秋意亦已乖矣言五行傳又頗不同是以檻仲舒別向歆師古曰檻字與孽同謂引取之檻音來敢反傳載眭孟夏侯勝京房

谷永李尋之徒所陳行事師古曰眭音息規反說在眭孟傳訖于王莽舉十二世以傳春秋著于篇師古曰傳讀曰附謂比附其事

經曰初一日五行五行一日水二曰火三曰木四曰金五曰土水曰潤下火曰炎上師古曰皆水火自然之性也木曰曲直

師古曰言可揉而曲可矯而直金曰從革張晏曰革更也土爰稼穡師古曰稼古

曰爰亦曰也一說爰於也可於其傳曰田獵不宿服虔曰不

上稼穡也種之曰稼收聚曰穡節奪民農時及有姦謀李奇曰姦謀增賦履畝之事也飲食不享師古曰不行出入不

下所謂作爲姦詐以奪農時李說是則木不曲直說曰木東方也於易地

上之木為觀師古曰坤下巽上觀巽為木故云地上之木也其於王事威儀容

貌亦可觀者也故行步有佩玉之度師古曰玉佩上有雙璜瑋

瑋以雜之衡牙此珠以納其間右徵角而左宮羽進則掩之退則揚之然後玉鏘鳴焉是為行步之節度也

音黃瑋音居瑋音禹此音步千反登車有和鸞之節師古曰和鈴也以

鸞亦以金為鸞鳥而銜鈴馬施於田狩有三驅之制師古

曰謂田獵三驅也三驅之禮一為乾豆二為賓客三為充君之庖也飲食有享獻之禮師古

進爵於前謂之獻出入有名使民以時務在勸農桑謀在安百姓如此則木得其性矣若廼田獵馳騁不反

宮室飲食沈湎不顧法度師古曰沈湎謂溺於酒食妄興繇役以奪民時作為姦詐以傷民財則木失其性矣蓋工匠之為輪矢者多傷敗如淳曰揉輪不曲矯矢不直也及木為變怪臣

曰梓柱更生及是為木不曲直春秋成公十六年正月
變為人形是也
雨木冰劉歆以為上陽施不下通下陰施不上達故雨
而木為之冰霧氣寒師古曰霧音紛木不曲直也劉向以為冰
者陰之盛而水滯者也木者少陽貴臣卿大夫之象也
此人將有害則陰氣脅木木先寒故得雨而冰也是時
叔孫喬如出奔公子偃誅死師古曰叔孫喬如叔孫宣伯也通於宣公夫人穆姜
謀欲作亂不克而出奔齊公子偃宣公庶子成一曰時公弟也豫喬如之謀故見誅事並在十六年冬
晉執季孫行父又執公此執辱之異師古曰行父季文子也十六年秋公會晉侯于沙隨晉受喬如之譖而止公或曰今之長老
名木冰為木介介者甲甲兵象也是歲晉有陽陵之戰
楚王傷目而敗師古曰晉楚戰于陽陵鄭地屬常雨也傳

曰棄法律逐功臣殺太子以妾為妻則火不炎上說曰
火南方揚光輝為明者也其於王者南面鄉明而治師古曰鄉讀書云知人則愆能官人師古曰虞書咎繇謨之辭
能官之所故堯舜舉羣賢而命之朝師古曰謂遠四佞
而放諸壑師古曰四佞即四凶字孔子曰浸潤之譖膚受
之訴不行焉可謂明矣師古曰論語載孔子之言也浸謂言積漸也膚受謂初入皮膚也
賢佞分別官人有序帥由舊章師古曰帥循也
敬重功勳殊別適庶師古曰適讀曰適如此則火得其性矣若
延信道不篤師古曰篤厚也或燿虛偽讒夫昌邪勝正則火失
其性矣自上而降及濫炎妾起師古曰炎讀曰炎災宗廟燒官
館雖興師眾弗能救也是為火不炎上春秋桓公十四

年八月壬申御廩災董仲舒以為先是四國共伐魯大破之於龍門韋昭曰魯郭門百姓傷者未瘳怨咎未復而君臣俱憤內怠政事外侮四鄰非能保守宗廟終其天年者也故天災御廩以戒之劉向以為御廩夫人八妾所眷米之臧以奉宗廟者也師古曰一娶九女正嫡一時夫人有淫行通於齊侯挾逆心欲弑桓公天戒若曰夫人不可以奉宗廟桓不寤與夫人俱會齊師古曰十八年齊侯殺桓公生乘公拉其幹而殺之公薨于車劉歆以為御廩公所親耕藉田以奉粢盛者也師古曰黍稷也棄法度亡禮之應也嚴公二十年夏齊大災師古曰嚴公謂莊公

也避明帝諱故改曰嚴凡漢書載謚姓為嚴者皆類此劉向以為齊桓好色聽女口以妾為妻適庶數更師古曰更改也桓公之夫人三好內多寵內嬖如夫人者六人長衛姬生公子無虧即武孟也少衛姬生惠公鄭姬生孝公葛嬴生昭公密姬生懿公宋華子生公子雍公與管仲屬孝公於宋襄公以為太子易牙有寵於衛恭姬因寺人貂以薦蓋於公請立武孟公許之管仲卒五公子皆故致大災桓公不求立適讀曰嫡下亦同數音所角反寤及死適庶分爭九月不得葬師古曰魯僖十七年齊桓公卒易牙入因內寵以殺群吏立無虧孝公奔宋十八年齊立孝公不勝四月葬桓公是為過於公羊傳曰大災疫也董仲舒以為魯夫人淫於齊齊桓姊妹不嫁者七人國君民之父母夫婦生化之本本傷則末夭故天災所子也李奇曰以為釐公二十年五月乙巳西宮災師古曰釐讀曰穀梁以

為愍公宮也以謚言之則若疏故謂之西宮劉向以為

釐立妾母為夫人以入宗廟師古曰愍公之母謂成風也本非正嫡僖既為君而

去其卑而親者將害宗廟之正禮師古曰愍公於僖董

仲舒以為釐娶於楚而齊滕之脅公使立以為夫人師古

之故大之曰西宮也左氏以為西宮者公宮也言西知

有東東宮太子所居言宮舉區皆災也宣公十六年夏

成周宣榭火師古曰公羊經也成周洛陽也榭者所以藏樂器宣其名

也董仲舒劉向以為十五年王孔子殺召伯毛伯師古

孔子即王子捷也召伯毛伯周

不能行政令何以禮樂為而臧之左氏經曰成周宣榭

火人火也人火曰火天火曰災榭者講武之坐屋成公

三年二月甲子新宮災穀梁以為宣宮不言謚恭也劉

向以為時魯三桓子孫始執國政宣公欲誅之恐不能

使大夫公孫歸父如晉謀未反宣公死三家譖歸父於

成公成公父喪未葬聽讒而逐其父之臣使奔齊師古

桓謂孟孫叔孫季孫三家俱出桓公之子也公孫歸父

東門襄仲之子也歸父欲去三桓以張公室與宣公謀

而轉于晉欲以晉人去之而宣公薨成公即位季文子

及臧宣叔乃逐東門氏歸父還復命於介遂出奔齊

故天災宣宮明不用父命之象也一曰三家親而立禮

猶宣公殺子赤而立師古曰赤文公太子即子惡也宣

公文公之庶子襄仲殺赤而立宣

公文公之庶子襄仲殺赤而立宣

公文公之庶子襄仲殺赤而立宣

公亡禮而親天災宣廟欲示去三家也董仲舒以為成

居喪亡哀戚心數與兵戰伐師古曰謂元年作立甲乙

克及齊侯戰于鞌三年叔孫僑如帥師圍棘故天災其父廟示夫子道不能

奉宗廟也一日宣殺君而立不當列於羣祖也襄公九

年春宋災劉向以為先是宋公聽讒逐其大夫華弱出

奔魯師古曰華弱華鞮之孫也與樂轡少相狎長相優

事在襄六年左氏傳曰宋災樂喜為司城師古曰司城本司

改其官先使火所未至徹小屋師古曰徹去也塗大屋師古曰

塗之令火至不可焚陳番輦應劭曰番草籠也讀與本

蓄音居具綆缶師古曰綆汲索也缶備水器師古曰

許氏說文解字曰螢師古曰螢行潦也蓄水潦積土塗師古曰

塗泥也澗繕守備師古曰繕謂補修之也表火道

師古曰火之所起澗儲正徒師古曰儲侍也郊保之

民使奔火所師古曰郊保之人謂郊野之外又飭衆官

各慎其職師古曰飭與教同晉侯聞之問士弱曰師古曰士弱

宋災於是乎知有天道何故對曰古之火正或食於

心或食於味以出入火師古曰味是故味為鶉火心為

大火陶唐氏之火正閔伯居商立祀大火而火紀時焉

相土因之故商主大火商人閱其旤敗之釁必始於火

是以知有天道公曰可必乎對曰在道國亂亡象不可

知也韋昭曰大亂之君說曰古之火正謂火官也掌祭

火星行火政李春昏心星出東方而味七星鳥首正在

知也韋昭曰大亂之君說曰古之火正謂火官也掌祭

火星行火政李春昏心星出東方而味七星鳥首正在

南方則用火季秋星入則止火以順天時救民疾帝嚳則有祝融堯時有閼伯民賴其德死則以為火祖配祭火星故曰或食於心或食於味也相土商祖契之曾孫師古曰契讀曰楔音先列反字或作商其用同耳代閼伯後主火星宋其後也世司其占故先知火災賢君見變能脩道以除凶亂君亡象天不譴告故不可必也三十年五月甲午宋災董仲舒以為伯姬如宋五年宋恭公卒師古曰伯姬魯宣公女恭姬也成九年歸于宋十五年而宋公卒今云如宋五年則是轉寫誤伯姬幽居守節三十餘年又憂傷國家之患禍積陰生陽故火生災也劉向以為先是宋公聽讒而殺太子痤師古曰痤宋平公太子也寺人惠牆伊戾譖太子云與楚客盟平公殺之事在襄二十六年痤音在戈反應火

不炎上之罰也左氏傳昭公六年六月丙戌鄭災是春

三月鄭人鑄刑書士文伯曰火見鄭其火乎師古曰士文伯晉大夫

夫伯瑕也火未出而作火以鑄刑器臧爭辟焉師古曰著刑於鼎故稱刑

器法設下爭故云爭辟火而象之不火何為說曰火星出於周五

月而鄭以三月作火鑄鼎刻刑辟書以為民約是為刑

器爭辟故火星出與五行之火爭明為災其象然也又

棄法律之占也不書於經時不告魯也九年夏四月陳

火師古曰董仲舒以為陳夏徵舒殺君楚嚴王託欲為

陳討賊陳國闢門而待之至因滅陳師古曰夏徵舒陳

也徵舒之母通於靈公靈公飲酒于夏氏徵舒射而殺之楚子為夏氏亂故伐陳謂陳人無動將討於少西氏

遂入陳殺夏徵舒轅諸栗門陳臣子尤毒恨甚極陰生

陽故致火災劉向以為先是陳侯弟招殺陳太子偃師

師古曰招謂陳哀公之弟偃師即哀公子也哀公有偃

疾招殺太子而立公子留事在昭八年招音龍外事不因其宮館者略之也八年十月壬午楚師滅陳

師古曰莊王初雖縣陳納申叔時之諫乃復封陳至此時陳又為楚靈王所滅春秋不與蠻夷

滅中國故復書陳火也師古曰九年火時陳已為楚蠻夷不許

其滅中國左氏經曰陳災傳曰鄭裨竈曰五年陳將復封

師古曰裨竈鄭大夫封五十二年而遂亡子產問其故對曰陳水

屬也火水妃也而楚所相也今火出而火陳遂楚而建

陳也妃以五成故曰五年歲五及鶉火而後陳卒亡楚

克有之天之道也說曰顓頊以水王陳其族也師古曰

也舜本出顓頊今茲歲在星紀後五年在大梁大梁昴也金為

水宗得其宗而昌故曰五年陳將復封楚之先為火正

故曰楚所相也天以一生水地以二生火天以三生木

地以四生金天以五生土五位皆以五而合而陰陽易

位故曰妃以五成然則水之大數六火七木八金九土

十故水以天一為火二牡木以天三為土十牡土以天

五為水六牡火以天七為金四牡金以天九為木八牡

陽奇為牡陰耦為妃師古曰音居且反故曰水火之牡也火水

妃也於易坎為水為中男離為火為中女蓋取諸此也

自大梁四歲而及鶉火四周四十八歲凡五及鶉火五

十二年而陳卒亡火盛水衰故曰天之道也哀公十七

年七月己卯楚滅陳昭十八年五月壬午宋衛陳鄭災

董仲舒以為象王室將亂天下莫救故災四國言亡四方也又宋衛陳鄭之君皆荒淫於樂不恤國政與周室同行陽失節則火災出是以同日災也劉向以為宋陳王者之後師古曰宋微子啓本出殷陳胡衛鄭周同姓也師古曰衛康叔文王之弟時周景王老劉子單子事王子猛師古曰劉子劉公摯也單子穆公旗尹氏召伯毛伯事王子鼫師古曰尹氏文公圍也召伯莊公與也子鼫師古曰鼫景王太子單音善及宋衛陳鄭亦皆外附於楚亡尊周室之心後三年景王崩王室亂故天災四國天戒若曰不救周反從楚廢世子立不正以害王室明同鼻也定公二年五月雉門及兩觀災師古曰雉門公

宮南門也董仲舒劉向以為皆此奢僭過度者也先是兩觀謂闕季氏逐昭公昭公死于外師古曰謂薨于乾侯定公即位既不能誅季氏又用其邪說淫於女樂而退孔子師古曰齊人歸女樂季桓子勸定公受之君臣相與觀天戒若曰去高顯而奢僭者一曰門闕號令所由出也今舍大聖而縱有鼻亡以出號令矣京房易傳曰君不思道厥妖火燒宮哀公三年五月辛卯桓釐宮災董仲舒劉向以為此二宮不當立違禮者也哀公又以季氏之故不用孔子孔子在陳聞魯災曰其桓釐之宮乎以為桓季氏之所出釐使季氏世卿者也四年六月辛丑亳社災師古曰亳社殷社也董仲舒劉向以為亡國之社所以為戒也師古曰存其社者欲使君常思敬慎懼危

亡天戒若曰國將危亡不用戒矣春秋火災屢於定哀之間不用聖人而縱驕臣將以亡國不明甚也一日天生孔子非為定哀也蓋失禮不明火災應之自然象也高后元年五月丙申趙叢臺災劉向以為是時呂氏女為趙王后嫉妒將為讒口以害趙王王不寤焉卒見幽殺惠帝四年十月乙亥未央宮凌室災師古曰臧冰之室也丙子織室災師古曰織作之室劉向以為元年呂太后殺趙王如意殘戮其母戚夫人是歲十月壬寅太后立帝姊魯元公主女為皇后其乙亥凌室災明日織室災凌室所以供養飲食織室所以奉宗廟衣服與春秋御稟同義天戒若曰皇后亡奉宗廟之德將絕祭祀其後皇后亡子後

宮美人有男太后使皇后名之而殺其母惠帝崩嗣子立有怨言太后廢之更立呂氏子弘為少帝賴大臣共誅諸呂而立文帝惠后幽廢文帝七年六月癸酉未央宮東闕果思災師古曰果思闕之屏也解具在文紀劉向以為東闕所以朝諸侯之門也果思在其外諸侯之象也漢興大封諸侯王連城數十文帝即位賈誼等以為違古制度必將叛逆先是濟北淮南王皆謀反其後吳楚七國舉兵而誅景帝中五年八月己酉未央宮東闕災先是栗太子廢為臨江王師古曰景帝太子栗姬所生謂之栗太子以罪徵詣中尉自殺丞相條侯周亞夫以不合旨稱疾免後二年下獄死武帝建元六年六月丁酉遼東高廟災四月壬子高園便

殿火董仲舒對曰春秋之道舉往以明來是故天下有物視春秋所舉與同比者師古曰比類也音必無反精微眇以存其意通倫類以貫其理天地之變國家之事粲然皆見亡所疑矣按春秋魯定公哀公時季氏之惡已孰師古曰孰成也而孔子之聖方盛夫以盛聖而易孰惡李孫雖重營君雖輕其勢可成也故定公二年五月兩觀災兩觀僭禮之物師古曰兩觀天子之制也天災之者若曰僭禮之臣可以去已見卑微而後告可去此天意也定公不知省師古曰至省察也哀公三年五月桓宮釐宮災二者同事所為一也若曰燔貴而去不義云爾師古曰燔音煩哀公未能見故四年六月亳社災兩觀桓釐廟亳社四者皆不當立天皆燔其不

當立者以示魯欲其去亂臣而用聖人也季氏亡道久矣前是天不見災者魯未有賢聖臣雖欲去季孫其力不能昭公是也師古曰前是謂此時之前也見顯示也音胡電反次下並同至定哀廼見之其時可也不時不見天之道也今高廟不當居遼東高園殿不當居陵旁於禮亦不當立與魯所災同其不當立久矣至於陛下時天廼災之者殆亦其時可也昔秦受亡周之敝而亡以化之漢受亡秦之敝又亡以化之夫繼二敝之後承其下流兼受其猥難治甚矣師古曰猥積也又謂積敝也又多兄弟親戚骨肉之連驕揚奢侈師古曰揚謂振揚也恣睢者衆師古曰恣意怒兒也所謂重難之時者也陛下正當大敝之後又遭重難之時甚可憂也

故天災若語陛下當今之世雖敝而重難非以太平至
公不能治也視親戚貴屬在諸侯遠正最甚者忍而誅
師古曰遠離也如五燔遼東高廟廼可視近臣在國
謂離正道者也中處旁仄及貴而不正者忍而誅之
師古曰仄如吾燔高園殿廼可云爾在外而不正者雖貴如高廟猶災燔
之況諸侯乎在內不正者雖貴如高園殿猶燔災之況
大臣乎此天意也臯在外者天災外臯在內者天災內
燔其罪當重燔簡罪當輕承天意之道也先是淮南王
安入朝始與帝舅太尉武安侯田蚡有逆言其後膠西
于王趙敬肅王常山憲王皆數犯法或至夷滅人家藥
殺二千石而淮南衡山王遂謀反膠東江都王皆知其

謀陰治兵弩欲以應之至元朔六年廼發覺而伏辜時
田蚡已死不及誅上思仲舒前言使仲舒弟子呂步舒
持斧鉞治淮南獄以春秋誼斷於外不請師古曰斷

請者不
奏待報

既還奏事上皆是之太初元年十一月乙酉未

央宮柏梁臺災先是大風發其屋夏侯始昌先言其災
日後有江充巫蠱衛太子事征和二年春涿郡鐵官鑄
鐵鐵銷皆飛上去此火為變使之然也其三月涿郡太
守劉屈釐為丞相後月巫蠱事與帝女諸邑公主陽石
公主師古曰諸琅邪之縣也公主所食曰邑
故謂之諸邑陽石北海之縣字亦作羊丞相公孫
賀子太僕敬聲平陽侯曹宗等皆下獄死七月使者江
充掘蠱太子宮太子與母皇后議恐不能自明乃殺充

舉兵與丞相劉屈釐戰死者數萬人太子敗走至湖自

殺師古曰湖縣名也即今閬鄉湖城二縣界明年屈釐復坐祝禱要斬師古曰禱

古誼字也音側據反妻梟首也成帝河平二年正月沛郡鐵官鑄

鐵鐵不下隆隆如雷聲又如鼓音工十三人驚走音止

還視地地陷數尺鑪分為十一鑪中銷鐵散如流星皆

上去與征和二年同象其夏帝舅五人封列侯號五侯

師古曰譚商立根逢時凡五人元舅王鳳為大司馬大將軍秉政後二

年丞相王商與鳳有隙鳳譖之免官自殺明年京兆尹

王章訟商忠直言鳳顛權鳳誣章以大逆梟下獄死妻

子徙合浦後許皇后坐巫蠱廢而趙飛燕為皇后妹為

昭儀賊害皇子成帝遂亡嗣皇后昭儀皆伏辜一曰鐵

飛屬金不從革昭帝元鳳元年燕城南門災劉向以為

時燕王使邪臣通於漢為讒賊謀逆亂南門者通漢道

也天戒若曰邪臣往來為姦讒於漢絕亡之道也燕王

不寤卒伏其辜元鳳四年五月丁丑孝文廟正殿災劉

向以為孝文太宗之君與成周宣榭火同義先是皇后

父車騎將軍上官安安父左將軍桀謀為逆大將軍霍

光誅之皇后以光外孫年少不知居位如故光欲后有

子因上侍疾醫言禁內後宮皆不得進唯皇后顛寢皇

后年六歲而立十三年而昭帝崩遂絕繼嗣光執朝政

猶周公之攝也是歲正月上加元服師古曰謂冠也通詩尚書

有明憇之性光亡周公之德秉政九年久於周公上既

已冠而不歸政將爲國害故正月加元服五月而災見古之廟皆在城中孝文廟始出居外天戒若曰去貴而不正者宣帝既立光猶攝政驕溢過制至妻顯殺許皇后光聞而不討後遂誅滅宣帝甘露元年四月丙申中山太上皇廟災甲辰孝文廟災元帝初元三年四月乙未孝武園白鶴館災劉向以爲先是前將軍蕭望之光祿大夫周堪輔政爲佞臣石顯許章等所譖望之自殺堪廢黜明年白鶴館災園中五里馳逐走馬之館師古曰五里者言其周迴五里不當在山陵昭穆之地天戒若曰去貴近逸遊不正之臣將害忠良後章坐走馬上林下烽馳逐免官孟康曰夜於上林苑下舉火馳射也烽或作逢晉灼曰冠首曰烽競走曰逐師古曰孟說是求光

四年六月甲戌孝宣杜陵園東闕南方災劉向以爲先是上復徵用周堪爲光祿勳及堪弟子張猛爲太中大夫石顯等復譖毀之皆出外遷是歲上復徵堪領尚書猛給事中石顯等終欲害之園陵小於朝廷闕在司馬門中內臣石顯之象也孝宣親而貴門闕法令所從出也天戒若曰去法令內臣親而貴者必爲國害後堪希得進見因顯言事事決顯口堪病不能言顯誣告張猛自殺於公車成帝即位顯卒伏辜成帝建始元年正月乙丑皇考廟災初宣帝爲昭帝後而立父廟於禮不正是時大將軍王鳳顛權擅朝甚於田蚡將害國家故天於元年正月而見象也其後寢盛師古曰寢古浸字浸漸也五將世

權遂以亡道

孟康曰謂王五大司馬也師古曰謂鳳音商振莽也

鴻嘉三年八月

乙卯孝景廟北闕災十一月甲寅許皇后廢永始元年

正月癸丑大官凌室災戊午太后園南闕災是時趙飛

燕大幸許后既廢上將立之故天見象於凌室與惠帝

四年同應矣后衛太子妾遭巫蠱之阼宣帝既立追加

尊號於禮不正又太后起於微賤與趙氏同應天戒若

曰微賤亡德之人不可以奉宗廟將絕祭祀有凶惡之

阼至其六月丙寅趙皇后遂立姊妹驕妒賊害皇子卒

皆受誅永始四年四月癸未長樂宮臨華殿及未央宮

東司馬門災六月甲午孝文霸陵園東闕南方災長樂

宮成帝母王太后之所居也未央宮帝所居也霸陵太

宗盛德園也是時太后三弟相續秉政

師古曰謂陽平侯鳳安陽侯音

成都侯商相代為大司馬

舉宗居位充塞朝廷兩宮親屬將害國家

師古曰謂太后家王氏皇

后家趙氏故云兩宮親屬

故天象仍見師古曰仍重也明年成

都侯商薨弟曲陽侯根代為大司馬秉政後四年根乞

骸骨薦兄子新都侯莽自代遂覆國焉哀帝建平三年

正月癸卯桂宮鴻寧殿災帝祖母傅太后之所居也時

傅太后欲與成帝母等號齊尊大臣孔光師丹等執政

以為不可太后皆免官爵遂稱尊號後三年帝崩傅氏

誅滅平帝元始五年七月己亥高皇帝原廟殿門災盡

師古曰原廟重廟也

高皇帝廟在長安城中後以叔孫通譏復道

故復起原廟於渭北非正也是時平帝幼成帝母王太

后臨朝委任王莽將篡絕漢墮高祖宗廟師古曰墮毀也音火規反故天象見也其冬平帝崩明年莽居攝因以篡國後卒夷滅

傳曰治宮室飾臺榭師古曰臺榭有室曰榭內淫亂犯親戚侮父兄

則稼穡不成說曰土中央生萬物者也其於王者為內

事宮室夫婦親屬亦相生者也古者天子諸侯宮廟大

小高卑有制后夫人媵妾多少進退有度九族親疏長

幼有序孔子曰禮與其奢也寧儉師古曰論語載孔子之言也若不得禮之

中而失於奢則不如儉故禹卑宮室師古曰論語載孔子曰禹吾

無間然矣卑宮室而盡力乎

而所居狹陋也文王刑于寡妻師古曰大雅思齊之詩云刑于寡妻至于

兄弟以御于家邦刑法也寡妻謂正嫡也御治也此美

文王以禮法接待其妻旁及兄弟宗族又廣以政教治

家邦此聖人之所以昭教化也師古曰昭明也如此則土得其性

矣若廼奢淫驕慢則土失其性亡水旱之災而草木百

穀不孰是為稼穡不成嚴公二十八年冬大水亡麥禾

董仲舒以為夫人哀姜淫亂師古曰哀姜莊公夫人齊女也逆陰氣故

大水也劉向以為水旱當書不書水旱而曰大亡麥禾

者土氣不養稼穡不成者也是時夫人淫於二叔內外

亡別師古曰二叔謂莊公叔牙及叔牙又因凶飢一年而三築臺師古

曰謂三十一年春築臺于郎夏築臺于薛秋築臺于秦也郎薛秦皆魯地也故應是而稼穡

不成飾臺榭內淫亂之罰云遂不改寤四年而死師古

公三十二年薨距大水無麥禾凡四歲也既流二世師古曰謂子般及閔公皆殺死奢淫之

患也

傳曰好戰攻輕百姓飾城郭侵邊境則金不從革說曰
金西方萬物既成殺氣之始也故立秋而鷹隼擊秋分
而微霜降其於王事出軍行師把旄杖鉞誓士眾抗威
武所以征畔逆止暴亂也詩云有虔秉鉞如火烈烈師古
曰商頌長發之詩也虔固也此美毅湯與師出又曰載
征固持其鉞以誅有罪威力猛盛如火熾烈
戰干戈載囊弓矢師古曰周頌時邁之詩也戰聚也囊
而靜也動靜應詛說以犯難民忘其死師古曰言以和悅
願其死生也易允卦彖曰說以犯金得其性矣若乃貪
難人忘其死故引之也說讀曰悅不重民命則金失其性蓋
欲恣睢務立威勝師古曰睢不重民命則金失其性蓋
工冶鑄金鐵金鐵冰滯澗堅不成者眾師古曰澗讀與
下故反春秋左氏及為變怪是為金不從革左氏傳曰
傳曰固陰匝寒

昭公八年春石言於晉晉平公問於師曠師古曰晉對
曰石不能言神或馮焉作事不時怨讟動於民師古曰
之言也則有非言之物而言今宮室崇侈民力彫盡怨
音讀讟並興莫信其性師古曰信猶保也性生也一說石之
言不亦宜乎於是晉侯方築虎祁之宮師古曰祁祁地
虢音叔向曰君子之言信而有徵師古曰叔向晉大夫
斯反字亦作嚮其音同劉歆以為金石同類是為金不從革失其性
也劉向以為石白色為主屬白祥成帝鴻嘉三年五月
乙亥天水冀南山大石鳴師古曰天水之聲隆隆如雷
有頃止聞平襄二百四十里韋昭曰壑雞皆鳴師古曰
石長丈三尺廣厚略等師古曰廣及旁著岸脅去地二

百餘丈民俗名曰石鼓石鼓鳴有兵是歲廣漢鉗子謀

攻牢師古曰鉗子謂鉗徒也牢係重囚之處篡死臯囚鄭躬等盜庫兵劫

畧吏民衣繡衣自號曰山君黨與寤廣師古曰寤漸也明年冬

廼伏誅自歸者二千餘人後四年尉氏樊並等謀反殺

陳留太守嚴普自稱將軍山陽亡徒蘇令等黨與數百

人盜取庫兵經歷郡國四十餘皆踰年廼伏誅是時起

昌陵作者數萬人徙郡國吏民五千餘戶以奉陵邑作

治五年不成乃罷昌陵還徙家師古曰初徙人陪昌石陵者今皆還其本居

鳴與晉石言相應師曠所謂民力彫盡傳云輕百姓者

也虎祁離宮去絳都四十里昌陵亦在郊壑皆與城郭

同占城郭屬金宮室屬土外內之別云

傳曰簡宗廟不禱祠廢祭祀逆天時則水不潤下說曰

水北方終藏萬物者也其於人道命終而形藏精神放

越聖人爲之宗廟以安魂氣春秋祭祀以終孝道王者

即位必郊祀天地禱祈神祇望秩山川懷柔百神亡不

宗事師古曰懷來也柔安也謂招來而祭祀之使其安也宗尊也慎其齋戒致其嚴

敬鬼神歆饗多獲福助此聖王所以順事陰氣和神人

也至發號施令亦奉天時十二月咸得其氣則陰陽調

而終始成如此則水得其性矣若廼不敬鬼神政令逆

時則水失其性霧水暴出百川逆溢壞鄉邑溺人民及

淫雨傷稼穡是爲水不潤下京房易傳曰顛事有知誅

罰絕異厥災水其水也雨殺人以隕霜大風天黃飢而

不損茲謂泰厥災水水殺人辟過有德茲謂狂應劭曰

也有德者雍遏不見用也師古曰過音一曷反厥災水流殺人已水則地生

蟲歸獄不解茲謂追泆李奇曰歸罪過於民不罪已也張晏曰謂釋有罪之人而歸無

辜者也解止也追泆遂非也厥水寒殺人追誅不解茲謂不理厥水

五穀不收大敗不解茲謂皆陰解舍也王者於大敗誅

首惡赦其衆不則皆凶陰氣師古曰函讀與舍同厥水流入國邑

隕霜殺叔草桓公元年秋大水董仲舒劉向以為桓弑

兄隱公民臣痛隱而賤桓後宋督弑其君師古曰宋華父督為太宰

弑殤公事在桓公二年諸侯會將討之師古曰謂齊陳鄭也桓受宋賂而歸

師古曰謂鄒大鼎又背宋諸侯由是伐魯仍交兵結讎伏尸流

血百姓愈怨師古曰桓會宋公者五與宋公燕人盟已而背盟伐宋宋公燕人怨而求助齊衛助

之桓公懼而會紀侯鄭伯及四國之師大戰故十三年夏復大水一日夫人

驕淫將弑君陰氣盛桓不寤卒弑死師古曰已解於上也劉歆以

為桓易許田不祀周公師古曰許田魯朝宿之邑而有周公別廟桓既篡位遂以許田

與鄭而取鄭之祊田故云不祀周公廢祭祀之罰也嚴公七年秋大水亡

麥苗董仲舒劉向以為嚴母文姜與兄齊襄公淫共殺

威公嚴釋父讎復取齊女未入先與之淫一年再出會

於道逆亂臣下賤之之應也十一年秋宋大水董仲舒

以為時魯宋比年為乘丘鄆之戰師古曰比年類年也莊十年公敗宋師于

乘丘十一年公敗宋師于鄆百姓愁怨陰氣盛故二國

俱水劉向以為時宋愆公驕慢睹災不改明年與其臣

宋萬博戲婦人在側矜而罵萬萬殺公之應師古曰萬大夫也

戰敗獲于魯復歸宋又為大夫與愍公博婦人在側萬
曰甚矣魯侯之淑魯侯之美天下諸侯宜為若者唯魯
侯耳愍公於此婦人妒其言顏曰此虜也爾虜焉故魯
侯之美惡乎至萬怒持愍公絕其脛而死事在莊十二
年二十四年大水董仲舒以為夫人哀姜淫亂不婦陰
氣盛也劉向以為哀姜初入公使大夫宗婦見用幣師古曰宗婦同姓之婦也大夫妻及宗婦見夫人者皆令執幣是踰禮也又淫於二叔公弗能
禁臣下賤之故是歲明年仍大水師古曰仍頻也劉歆以為先
是嚴飾宗廟刻楠丹楹以夸夫人臣瓚曰楠檉也章昭曰楹柱也師古曰莊公二十三年丹桓宮楹二十四年刻桓宮楠檉迎夫人故為盛飾簡宗廟之罰也師古曰簡慢也宣公十年秋大水飢董仲舒以為時比伐邾取邑師古曰比頻也九年秋取報牟公羊傳曰報牟者何邾婁之邑也十年公孫歸父帥師伐邾取繹故云此年也亦見報復兵讎連結百姓愁怨劉向以為宣公殺子赤而

立子赤齊出也師古曰赤母姜氏赤死姜氏大歸齊市人皆哭魯人謂之哀姜故懼以
濟西田賂齊師古曰宣既即位與齊侯會于平州以定其位元年六月齊人取濟西田為立公故
以賂邾子矍且亦齊出也師古曰矍且邾文公之子邾定公也亦齊女所生矍音俱
且音子余反而宣比與邾交兵師古曰比頻也臣下懼齊之威
創邾之阼師古曰創懲反也音初亮反皆賤公行而非其正也成公
五年秋大水董仲舒劉向以為時成幼弱政在大夫前
此一年再用師師古曰成三年春公會晉侯宋公衛侯曹伯伐鄭叔孫僑如帥師圍棘是也
明年復城鄆以疆私家師古曰四年城鄆仲孫蔑叔孫
僑如顓會宋晉陰勝陽師古曰仲孫蔑孟獻子也成五年春仲孫蔑如宋夏叔孫僑如
會晉荀首于穀顓與專襄公二十四年秋大水董仲舒
以為先是一年齊伐晉襄使大夫帥師救晉師古曰襄二十三年

秋齊伐衛遂伐晉八月秋後又侵齊師古曰二十四年孫豹帥師救晉次于雍榆國小兵弱數敵疆大百姓怨陰氣盛劉向以為先是襄慢隣國是以邾伐其南師古曰十五年邾人伐我南鄙是也齊伐其北師古曰十六年齊人伐我北鄙是也莒伐其東師古曰十二年莒人伐我東鄙是也百姓騷動後又仍犯疆齊也師古曰十八年公會晉侯宋公衛侯鄭伯同圍齊二十三年救晉二十十四年又侵大水饑穀不成其災甚也高后三年夏漢中南郡大水水出流四千餘家四年秋河南大水伊雒流千六百餘家汝水流八百餘家八年夏漢中南郡水復出流六千餘家南陽沔水流萬餘家師古曰沔漢水之上也音彌善反是時女主獨治諸呂相王文帝後三年秋大雨晝夜不絕三十五日藍田山水出流九百餘家燕壤民室八

千餘所殺三百餘人先是趙人新垣平以望氣得幸為上立渭陽五帝廟欲出周鼎以夏四月郊見上帝師古曰祀見郊歲餘懼誅謀為逆發覺要斬吏三獲是時比再遣公主配單于賂遺甚厚師古曰比類也高祖使劉敬關氏冒頓死其子老上單于初立文帝復遣宗人女為單于闕氏匈奴愈驕侵犯北邊殺略多至萬餘人漢連發軍征討戍邊元帝末光五年夏及秋大水潁川汝南淮陽廬江雨壞鄉聚民舍及水流殺人先是一年有司奏罷郡國廟是歲又定迭毀師古曰親盡則毀故云迭毀事在韋文成傳送音大結反罷太上皇孝惠帝寢廟皆無復脩通儒以為違古制刑臣石顯用事師古曰石顯宦者故曰刑臣成帝建始三年夏大水三輔霖雨三十餘日郡國十九

雨山谷水出凡殺四千餘人壞官寺民舍八萬三千餘所元年有司奏徙甘泉泰畤河東后土于長安南北郊二年又罷雍五畤郡國諸舊祀凡六所

五行志第七上

五行志第七中之上

班固

漢書二十七

正議大夫行秘書少監琅邪縣開國子頽

師古注

經曰蓋用五事五事一曰貌二曰言三曰視四曰聽五

曰思應劭曰思思慮貌曰恭言曰從視曰明聽曰聰思曰睿應

曰睿通也恭作肅從作艾師古曰艾讀曰又明作聰聰

古文作睿應劭曰上聰則下睿容作聖張晏曰容通休徵孟康

行之曰肅時雨若應劭曰君上而艾時陽若政治則陽

順也應劭曰愆愆溫也音於六反其下亦同謀時寒若

聖時風若師古曰凡言時者皆謂行得其咎徵師古曰

驗之曰狂恒雨若應劭曰音人備霧應劭曰人君散霧鄙吝

霧恒風若則風不順之也師古曰凡言恒者謂所行者

五行志第七中之上

失道則寒暑風雨不時而恒久為災也霧音莫豆反備設並音掃又音寇傳曰貌之不恭是謂不肅厥咎狂厥罰恒雨厥極惡時則有服妖時則有龜孽師古曰孽音魚列反其下並同時則有雞師古曰既與禍同時則有下體生上之病韋昭曰若牛之足反出背上下時則有青背青祥李奇曰內曰祥唯金沴木服虔曰沴害也如淳曰沴音拂庚之庚義亦同說曰凡草物之類謂之妖妖猶天胎言尚微師古曰天音烏老反蟲豕之類謂之孽師古曰有足謂之孽無足謂之豕孽則牙孽矣及六畜謂之既言其著也及人謂之痾痾病貌言寤深也師古曰寤漸也甚則異物生謂之眚自外來謂之祥祥猶禎也氣相傷謂之沴沴猶臨莅不和意也每一事云時則以絕之言未必俱至或有或亡或在前或在後也孝武時夏

侯始昌通五經善推五行傳以傳族子夏侯勝下及許商皆以教所賢弟子其傳與劉向同唯劉歆傳獨異貌之不恭是謂不肅肅敬也內曰恭外曰敬人君行己體貌不恭怠慢驕蹇則不能敬萬事失在狂易故其咎狂也師古曰狂易謂狂而易其常性上嫚下暴則陰氣勝故其罰常雨也水傷百穀衣食不足則姦軌並作故其極惡也一曰民多被刑或形貌醜惡亦是也風俗狂慢變節易度則為則輕竒怪之服師古曰醜音匹妙反故有服妖水類動故有龜孽如淳曰河魚大上以爲魚孽之比於易巽為雞雞有冠距文武之貌不為威儀貌氣毀故有雞既一曰水歲雞多死及為怪亦是也上失威儀則下有彊臣害君上者故有下體生於

漢書五行志

上之病木色青故有青眚青祥凡貌傷者病木氣木氣
病則金沴之衝氣相通也於易震在東方為春為木也
兌在西方為秋為金也巽在南方為夏為火也坎在北
方為冬為水也春與秋日夜分寒暑平是以金木之氣
易以相變故貌傷則致秋陰常雨言傷則致春陽常旱
也至於冬夏日夜相反寒暑殊絕水火之氣不得相併
故視傷常與聽傷常寒者其氣然也逆之其極曰惡順
之其福曰攸好德孟康曰政不順則致妖順則致福也師古曰攸所也所好者德也劉
歆貌傳曰有鱗蟲之孽羊旼鼻旼說以為於天文東方
辰為龍星故為鱗蟲於易兌為羊木為金所病故致羊
旼與常雨相應此說非是春與秋氣陰陽相敵木病金

盛故能相并唯此一事耳旼與妖病祥眚同類不得獨

異史記

師古曰此志凡稱史記者皆謂司馬遷所撰也

成公十六年公會諸侯

于周單襄公見晉厲公視遠步高

師古曰單襄公周卿士單子朝也晉厲公

景公之子也名州蒲單音善

告公曰晉將有亂魯侯曰敢問天道也

抑人故也

師古曰抑發語辭也對曰吾泝瞽史師古曰瞽樂太師史太史焉知

天道吾見晉君之容殆必禍者也夫君子目以定體足

以從之

師古曰體定則目安足之進退皆無違也是以觀其容而知其心矣

目以處詛足以步目

師古曰視瞻得其宜行步中其節也晉侯視遠而足

高目不在體而足不步目其心必異矣目體不相從何

以能久夫合諸侯民之大事也於是虛觀存亡故國將

無咎其君在會步言視聽必皆無謫則可以知德矣師古

日譴責也無譴謂得
其義理無可咎責也
視遠曰絕其誼足高曰棄其德言
爽曰及其信師古曰聽淫曰離其名師古曰夫日以處
誼足以踐德師古曰踐履也口以庇信師古曰庇覆也
信耳以聽名者也故不可不慎備喪有咎師古曰苟喪
既喪則國從之師古曰既盡也若晉侯爽二吾是以云
張晏曰視遠一後二年晉人殺厲公凡此屬皆貌不恭
也步高二也
之咎云左氏傳桓公十三年莒屈瑕伐羅鬬伯比送之
師古曰屈瑕即莫蹠也鬬伯比
楚大夫羅國名在南郡枝江西還謂其馭曰莫蹠必敗
師古曰莫蹠楚官名舉止高心不固矣師古曰遽見楚
也字或作莫蹠楚音同
子以告師古曰遽子使賴人追之弗及莫蹠行遂無次
且不設備師古曰不為次列也及羅羅人軍之大敗莫蹠縊死

釐公十一年周使內史過賜晉惠公命師古曰內史過
夷吾也諸侯即位天受玉惰師古曰不敬其事也過歸告王曰晉
侯其無後乎王賜之命而惰於受瑞先自棄也已其何
繼之有禮國之幹也敬禮之與也師古曰無禮則國不
禮不行故不敬則禮不行禮不行則上下昏何以長世
比之於輿
二十一年晉惠公卒子懷公立晉人殺之更立文公成
公十三年晉侯使卻錡乞師于魯將事不敬師古曰卻
駒伯也乞師欲以伐秦也將孟獻子曰卻氏其亡乎師古曰
事致其君命也錡音牛爾反
仲孫蔑子禮身之幹也敬身之基也師古曰無禮則身
也卻子無基且先君之嗣卿也受命以求師將社稷是
衛而惰棄君命也不亡何為十七年卻氏亡成公十三

年諸侯朝王遂從劉康公伐秦成肅公受服于社不敬

服慶曰服祭社之內也盛以蠶器故謂之服師古曰劉康公成肅公皆周大夫也服讀與蠶同以出師而祭社謂之宜服者即宜社之內也劉子曰吾聞之曰民受天地

之中以生所謂命也師古曰劉子即康公也中謂中和之氣是以有禮義

動作威儀之則以定命也能者養以之福不能者敗以

取既師古曰之往也能養生者則定禮義威儀自致於福不能者則喪之以取禍亂是故君子

勤禮小人盡力勤禮莫如致敬盡力莫如惇篤敬在養

神篤在守業國之大事在祀與戎祀有執膳戎有受服

應劭曰膳祭肉也師古曰交今成子情

棄其命矣其不反虜五月成肅公卒成公十四年衛定

公享苦成叔甯惠子相師古曰定公名臧苦成叔晉大夫邠也晉使邠擊如衛故定

公享之惠子甯大夫甯苦成叔敖師古曰敖讀曰甯子

曰苦成家其亡虛古之為享食也以觀威儀省既福也

師古曰食故詩曰兕觥其觶旨酒思柔匪傲匪傲萬福

來求張晏曰觥罰爵也飲酒和柔無失禮可罰罰爵徒

古曰小雅桑扈之詩也傲謂傲幸也萬福言其多也謂

飲酒者不傲幸不傲慢則福祿就而求之也音工今夫子傲取既之道也後三年苦成家亡師古曰

晉攻邠氏長魚矯以戈殺襄公七年衛孫文子聘于魯

君登亦登師古曰文子備大夫孫林父叔孫穆子相師古曰

版孫豹趨進曰諸侯之會寡君未嘗後衛君今吾子不

後寡君寡君未知所過吾子其所安師古曰孫子亡辭

亦亡俊容師古曰俊改穆子曰孫子必亡為臣而君過

而不悛亡之本也十四年孫子逐其君而外叛師古曰逐其君

謂衛獻公出奔齊也襄公二十八年蔡景侯歸自晉入

于鄭師古曰景侯名鄭伯享之不敬子產曰蔡君其不

免虐師古曰言日其過此也君使子展往勞于東門而

赦師古曰日謂往日猶適晉之吾曰猶將更之師古曰更改也

今還受享而惰廼其心也師古曰言心君小國事大國

師古曰言身為小國而惰赦以為己心將得死虐君若

不免必由其子淫而不父師古曰通如是者必有子阝

三十年為世子般所殺師古曰般襄公三十一年公薨

季武子將立公子稠師古曰稠襄公之子穆叔曰是

人也居喪而不哀在感而有嘉容是謂不度不度之人

鮮不為患師古曰穆叔即叔孫穆子也不度不遵禮度也鮮少也音先淺反若果立必

為季氏憂武子弗聽卒立之比及葬三易衰衰衽如故

衰師古曰衣前曰衽言游戲無已也比是為昭公立二

十五年聽讒攻季氏兵敗出奔死于外師古曰謂襄公

三十一年衛北宮文子見楚令尹圍之儀師古曰北宮

也名佗令尹圍即公子圍楚恭王之子言於衛侯曰令

尹似君矣將有它志師古曰謂有為君之雖獲其志弗

能終也公日子何以知之對曰詩云敬慎威儀惟民之

則師古曰大雅抑之詩也則法也言令尹無威儀民無

則焉民所不則以在民上不可以終世師古曰遂以殺

於乾昭公十一年夏周單子會於戚師古曰單子周大

夫單成公也戚衛

地視下言徐應劭曰視下視不登晉叔向曰單子其死

虛師古曰叔向晉大夫羊朝有著定師古曰朝內列位

者也著音直會有表師古曰會於野衣有襜帶有結

帶之結也會有表師古曰會於野衣有襜帶有結

以昭事序也師古曰視不過結襜之中所以道容貌也

師古曰道讀曰言以命之容貌以明之失則有闕今單

子為王官伯師古曰伯長也而命事於會視不登帶言不過步

貌不道容而言不昭矣不道不恭不昭不從無守氣矣

師古曰貌正曰十二月單成公卒昭公二十一年三月

葬蔡平公蔡太子朱失位位在卑師古曰不在正嫡之位而以長幼序之

曾大夫送葬者歸告昭子師古曰昭子叔孫姑昭子歎曰蔡其亡

虛若不亡是君也必不終詩曰不解於位民之攸暨師古曰大雅假樂之詩也暨息也言在上者能率位不

息則其臣下恃以安息也解讀曰懈暨音許既反今始

即位而適卑身將從之十月蔡侯朱出奔莒晉魏舒合

諸侯之大夫于翟泉應劭曰水名今洛陽是也師古曰魏舒晉卿魏獻子也事在定公元

年志不書將以城成周魏子泄政師古曰謂代天子大

衛彪僂曰將建天子而易位以令泚誼也師古曰僂衛

謂立天子之大事奸誼必有大咎師古曰奸晉不失諸

侯魏子其不免虛是行也魏獻子屬役於韓簡子師古曰簡

子亦晉卿韓不信以城周之而田於大陸焚焉而死師古曰

功役委簡子也屬音之欲反而田於大陸焚焉而死師古曰

陸即鉅鹿北大陸澤也據會於狄泉則其所田處固當

陸在澤也定公十五年邾隱公朝於魯執玉高其容仰

公受玉卑其容俯

師古曰隱公邾子益也玉謂朝者之贄

子贄觀焉

師古曰

贄孔子弟子端木賜也贄音貢

曰以禮觀之二君者皆有死亡焉夫禮

死生存亡之體也將左右周旋進退俯仰於是虛取之

朝祀喪戎於是虛觀之今正月相朝而皆不度心已亡

矣師古曰不度不合法度

嘉事不體何以能久

師古曰嘉事嘉禮之事謂朝祀也不

體不得身

高仰驕也卑俯替也

師古曰替廢惰也

驕近亂替近

疾君為主其先亡

師古曰是年五月定公薨哀公庶七年秋伐邾以邾子益來也

徵之恒雨劉歆以為春秋大雨也劉向以為大水隱公

九年三月癸酉大雨震電庚辰大雨雪

師古曰雨雪大雨音于具反

雨雨水也

師古曰下雨音于具反後類並同

震雷也劉歆以為三月癸

酉於歷數春分後一日始震電之時也當雨而不當大

雨大雨常雨之罰也於始震電八日之間而大雨雪常

寒之罰也劉向以為周三月今正月也當雨水雪雜雨

雷電未可以發也既已發也則雪不當復降皆失節故

謂之異於易雷以二月出其卦曰豫

師古曰坤下震上也

言萬物

隨雷出地皆逸豫也以八月入其卦曰歸妹

師古曰兌下震上也

言雷復歸入地則孕毓根核保藏蟄蟲

師古曰毓字與育同核亦蓂字

也草根曰蓂音該

避盛陰之害出地則養長華實發揚隱伏宜

盛陽之德入能除害出能興利人君之象也是時隱以

弟桓幼代而攝立公子翬見隱居位已久勸之遂立

師古曰

曰公子翬魯大夫羽父也勸殺威公己來為太宰翬音揮隱既不許翬懼而易其辭

師古曰反謂桓遂與桓共殺隱天見其將然故正月大

雨水而雷電是陽不閉陰出涉危難而害萬物天戒若
曰為君失時賊第佞臣將作亂矣後八日大雨雪陰見
間隙而勝陽篡殺之既將成也公不寤後二年而殺昭
帝始元元年七月大水雨自七月至十月成帝建始三
年秋大雨三十餘日四年九月大雨十餘日左氏傳愍
公二年晉獻公使太子申生帥師師古曰以伐公衣之
偏衣佩之金珰師古曰偏衣謂左右異色其半象公珰
突歎曰時事之微也衣身之章也佩衷之旗也師古曰
大夫伯行時為太子御戎也微證也章明也故敬其事則
命以始師古曰賞服其身則衣之純師古曰用其衷則
佩之度師古曰佩玉者今命以時卒閱其事也應劭曰

闕開也謂十衣以老服遠其躬也師古曰衣也遠音于萬反
二月盡時也其下佩以金珰棄其衷也服以遠之時以闕之老涼冬
並同殺金寒玦離胡可恃也師古曰涼薄也老色不能絕故
謂之寒玦形離梁餘子養曰帥師者受命于廟受服於社
有常服矣師古曰梁餘子養晉大夫也時弗獲而老命
可知也死而不孝不如逃之罕夷曰老奇無常金玦不
復君有心矣應劭曰奇奇怪非常意復反也金玦猶決
軍卿也復音扶目反後四年申生以讒自殺近服妖也
左氏傳曰鄭子臧好聚鷓冠張晏曰鷓鳥赤足黃文以
鳥也師古曰子臧鄭文公子也鷓大鳥即戰國策所云
啄蚌者也天之將兩鷓則知之翠鳥自有鷓名而此飾
冠非翠鳥也禮圖謂之術氏冠鷓音聿又音術鄭文
鳥知天時故也

公惡之使盜殺之師古曰時已得乘出奔宋劉向以為
近服妖者也一曰非獨為子臧之身亦文公之戒也初
文公不禮晉文師古曰晉文公之為公子也避雍姬又
犯天子命而伐滑師古曰僖二十四年鄭公子士及堵
鄭請滑鄭伯不不尊尊敬上其後晉文伐鄭幾亡國師
聽而執二子曰僖三十年晉侯秦伯圍鄭佚之狐曰國危
矣使燭之武見秦伯師乃退也幾音鉅依反昭帝時昌
邑王賀遣中大夫之長安多治仄注冠是也李奇曰一
曰高山冠本齊冠也謂者服之師古曰仄古側字也謂
之側注者言形側立而下注也蔡邕云高九寸鐵為卷
非法冠及高山也卷音去推反以賜大臣又以冠奴劉向以為近服妖
也時王賀狂悖師古曰悖惑聞天子不豫師古曰言有
疾不豫也周書顧命曰弋獵馳騁如故與騶奴宰人游居娛戲驕

嫚不敬師古曰騶廐御也宰人主冠者尊服奴者賤人
賀無故好作非常之冠暴尊象也以冠奴者當自至尊
墜至賤也師古曰墜墮其後帝崩無子漢大臣徵賀為
嗣即位狂亂無道縛戮諫者夏侯勝等於是大臣白皇
太后廢賀為庶人賀為王時又見大白狗冠方山冠而
無尾師古曰方山冠以五采此服妖亦犬旤也賀以問
郎中令龔遂遂曰此天戒言在仄者盡冠狗也師古曰
右侍側之人不識禮義若狗而著冠者耳冠音工喚反其下亦同去之則存不去則亡
矣賀既廢數年宣帝封之為列侯復有鼻死不得置後
又犬旤無尾之效也京房易傳曰行不順厥咎人奴冠
天下亂辟無適如淳曰辟君也適適子也妾子拜如淳

適子又曰君不正臣欲篡厥妖狗冠出朝門成帝鴻嘉
末始之間好為微行出游選從期門郎有材力者及私
奴客多至十餘少五六人皆白衣袒幘師古曰袒幘帶
持刀劍或乘小車御者在茵上蘇林曰茵車上蓐也御
師古曰車小故御者不得迴或皆騎出入市里郊壑遠
至旁縣時大臣車騎將軍王音及劉向等數以切諫谷
求曰易稱得臣無家師古曰撝卦言王者臣天下無私
家也今陛下棄萬乘之至貴樂家人之賤事厭高美之
尊稱好匹夫之卑字如淳曰無張故家人是為卑字崇
聚票輕無誼之人以為私客師古曰票音匹妙置私田
於民間畜私奴車馬於北宮數去南面之尊離深宮之

固挺身獨與小人晨夜相隨師古曰烏集醉飽吏民之
家師古曰亂服共坐溷肴亡別師古曰溷肴謂
反閔勉遯樂晝夜在路師古曰閔勉猶勉言不典門
戶奉宿衛之臣執干戈守空宮公卿百寮不知陛下所
在積數年矣昔號公為無道有神降曰賜爾土田師古
以庶人受土田也諸侯夢得土田為失國祥師古曰將
傳曰周景王時大夫賓起見雄雞自斷其尾師古曰賓
劉向以為近雞旤也是時王有愛子子鼂王與賓起陰
謀欲立之師古曰子鼂田于北山將因兵眾殺適子之

師古曰子鼂田于北山將因兵眾殺適子之

黨師古曰適讀曰嫡嫡子王子猛及後未及而崩三子

爭國王室大亂其後賓起誅死師古曰三子謂子鼂子

劉子遂攻賓起殺之事子鼂奔楚而敗師古曰昭二十

並在昭公二十二年京房易傳曰有始無終厥妖雄

雞自齧斷其尾宣帝黃龍元年未央殿輅軫中雌雞化

為雄孟康曰輅軫廢名也師古曰百官表太毛衣變化

而不鳴不將無距師古曰將謂率領其群也距元帝初

元中丞相府史家雌雞伏子漸化為雄師古曰初尚伏

音房富反冠距鳴將永光中有獻雄雞生角者京房易

傳曰雞知時知時者當死房以為已知時恐當之劉向

以為房失雞占雞者小畜主司時起居人師古曰至時

起居之節小臣執事為政之象也言小臣將秉君威以害正

事猶石顯也竟寧元年石顯伏辜此其效也一日石顯

何足以當此昔武王伐殷至于牧豎誓師曰古人有言

曰牝雞無晨牝雞之晨惟家之索今殷王紂惟婦言用

師古曰周書牧誓之辭晨謂晨時鳴也索盡也言婦人

為政猶雌雞而代雞鳴是喪家之道也索音思各反

繇是論之師古曰繇黃龍初元永光雞變廼國家之占

妃后象也孝元王皇后以甘露二年生男立為太子妃

王禁女也黃龍元年宣帝崩太子立是為元帝王妃將

為皇后故是歲未央殿中雌雞為雄明其占在正宮也

不鳴不將無距貴始萌而尊未成也至元帝初元元年

將立王皇后先以為婕妤三月癸卯制書曰其封婕妤

父丞相少史王禁為陽平侯位特進丙午立王婕妤好為
皇后明年正月立皇后子為太子故應是丞相府史家
雌雞為雄其占即丞相少史之女也伏子者明已有子
也冠距鳴將者尊已成也末光二年陽平頃侯禁薨子
鳳嗣侯為侍中衛尉元帝崩皇太子立是為成帝尊皇
后為皇太后以后弟鳳為大司馬大將軍領尚書事上
委政無所與師古曰與讀曰豫言王氏之權自鳳起故
於鳳始受爵位時雄雞有角明視作威師古曰視讀曰示顓君
害上師古曰顓與專同其下類此危國者從此人始也其後群弟世
權以至於莽遂篡天下即位五年王太后薨崩此其效
也京房易傳曰賢者居明夷之世知時而傷師古曰易之明夷卦

曰明入地中明夷夷傷也離下坤上言日在地中傷其明也知時謂知天時者也賢而被傷故取明夷之義
或眾在位師古曰言虛偽無實之人矯惑於眾在職位也厥妖雞生角雞生角
時主獨又曰婦人顓政國不靜牝雞雄鳴主不榮故房
以為己亦在占中矣成公七年正月麗鼠食郊牛角師古
曰麗小鼠也即今所謂甘鼠者音奚改卜牛又食其角劉向以為近青祥
亦牛旤也不敬而備霧之所致也昔周公制禮樂成周
道故成王命魯郊祀天地以尊周公至成公時三家始
顓政魯將從此衰天懲周公之德痛其將有敗亡之旤
故於郊祭而見戒云鼠小蟲性盜竊麗又其小者也牛
大畜祭天尊物也角兵象在上君威也小小麗鼠食至
尊之牛角象季氏乃陪臣盜竊之人將執國命以傷君

威而害周公之祀也改卜牛鼯鼠又食其角天重語之

也師古曰重也音直用反成公怠慢昏亂遂君臣更執于晉師古曰

三十年秋公如晉晉人以公為貳於楚故止公至十一年

如之譜而止公是年九月又信僑如之譜執季孫行父

舍之于者丘十二月乃得歸故云君臣更執也更音工

衡至于襄公晉為溴梁之會師古曰襄十六年晉平公

水之梁也溴水出河內軹縣天下大夫皆奪君政師古曰

東南至温入河漢音工覓反三家逐昭公卒死于外師古曰已幾絕周公之祀師古曰

齊鉅董仲舒以為鼯鼠食郊牛皆養牲不謹也京房易

傳曰祭天不慎厥妖鼯鼠齧郊牛角定公十五年正月

鼯鼠食郊牛牛死劉向以為定公知季氏逐昭公臯惡

如彼親用孔子為夾谷之會齊人俵歸鄆謹龜陰之田

師古曰夾谷齊地也一名祝其定公十年公與齊侯會

于夾谷齊侯欲使萊人以兵劫公孔子以公退命士眾

兵之齊侯乃止又欲以盟要公孔子不欲使茲無還以

辭對又欲誅享公孔子又距而不受於是齊人乃服先

是季氏之臣陽虎以鄆謹龜陰之田奔齊至此會乃

以歸我鄆謹二邑名龜陰龜山之陰夾音頰謹音驪聖

德如此反用季桓子淫於女樂而退孔子無道甚矣師古曰

曰桓子季平子之子季詩曰人而亡儀不死何為師古曰

孫斯也女樂已解於上是歲五月定公薨牛死之應也京房易

傳曰子不子鼠食其郊牛哀公元年正月鼯鼠食郊牛

劉向以為天意汲汲於用聖人逐三家故復見戒也師古曰

曰聖人孔子哀公年少不親見昭公之事故見敗亡之

異已而哀不寤身奔於粵此其效也師古曰哀二十七年

也見顯也年公欲以越伐魯

而去三桓公如公孫有山氏因遜于邾遂如越昭帝元
鳳元年九月燕有黃鼠銜其尾舞王宮端門中師古曰正
門王往視之鼠舞如故王使吏以酒脯祠鼠舞不休一
日一夜死近黃祥時燕刺王旦謀反將死之象也其月
發覺伏辜京房易傳曰誅不原情厥妖鼠舞門師古曰
者不得其本情成帝建始四年九月長安城南有鼠銜黃蒿柏
葉上民冢柏及榆樹上為巢桐柏尤多師古曰桐柏本
其地巢中無子皆有乾鼠矢數十時議臣以為恐有水
災鼠盜竊小蟲夜出晝匿今晝去穴而登木象賤人將
居顯貴之位也桐柏衛思后園所在也其後趙皇后自
微賤登至尊與衛后同類趙后終無子而為害明年有

鳶焚巢殺子之異也師古曰鳶鳴也音弋全反天象仍見甚可畏也

師古曰仍頻也一曰皆王莽竊位之象云京房易傳曰臣私祿

罔辟李奇曰辟君也擅私爵祿誣罔其君厥妖鼠巢文公十三年大室屋

壞近金沚木木動也先是冬釐公薨十六月廼作主師古曰

曰主廟主也僖公三十三年十一月薨至文後六月又

吉禘於太廟而致釐公師古曰禘祭也一一而祭之文

致謂升其主於廟春秋譏之經曰大事於太廟躋釐公師古曰躋音子

奚反又音子詣反左氏說曰太廟周公之廟饗有禮義者也祀

國之大事也惡其亂國之大事於太廟故言大事也躋

登也登釐公於愍公上逆祀也釐雖愍之庶兄嘗為愍

臣臣子一例不得在愍上又未三年而吉禘前後亂賢

父聖祖之大禮內為貌不恭而狂外為言不從而僭故是歲自十二月不雨至于秋七月後年若是者三而大室屋壞矣前堂曰太廟中央曰大室屋其上重屋尊高者也象魯自是陵夷將墮周公之祀也師古曰墮毀穀也音火規反梁公羊經曰世室魯公伯禽之廟也周公稱太廟魯公稱世室大事者禘祭也師古曰禘合也毀廟及未毀廟之主皆合祭於太祖躋釐公者先禘後祖也景帝三年十二月吳二城門自傾大船自覆劉向以為近金沚水木動也先是吳王濞以太子死於漢稱疾不朝陰與楚王戊謀為逆亂城猶國也其一門名曰楚門一門曰魚門吳地以船為家以魚為食天戒若曰與楚所謀傾國覆家吳王不寤正月與楚

俱起兵身死國亡京房易傳曰上下咸諄厥妖城門壞

師古曰諄感也音布內反宣帝時大司馬霍禹所居第門自壞時禹

內不順外不敬見戒不改卒受滅亡之誅哀帝時大司馬董賢第門自壞時賢以私愛居大位賞賜無度驕嫚不敬大失臣道見戒不改後賢夫妻自殺家徙合浦

傳曰言之不從是謂不艾師古曰艾讀曰刈厥咎僭厥罰恒陽

厥極憂時則有詩妖時則有介蟲之孽時則有犬豕時則有口舌之疴時則有白眚白祥惟木沴金言之不從從順也是謂不义又治也孔子曰君子居其室出其言不善則千里之外違之况其邇者師古曰邇近也詩云如蝮如蟪如沸如羹師古曰大雅蕩之詩也蝮蟪也蟪蝮也謂政無文理

虛言躡音如蠅之鳴湯之沸涓羹之將孰也蠅音上
音調蟬音唐蠅音偃如音貂蟬音聊涓音下館反言上
號令不順民心虛譁憤亂則不能治海內失在過差故
其各僭僭差也刑罰妄加羣陰不附則陽氣勝故其罰
常陽也早傷百穀則有寇難上下俱憂故其極憂也君
炕陽而暴虐師古曰凡言炕陽者枯涸之意臣畏刑而
柑口師古曰柑籥也音其則怨謗之氣發於謠謠故有
詩妖介蟲孽者謂小蟲有甲飛揚之類陽氣所生也於
春秋為蝻今謂之蝗皆其類也於易兌為口犬以吠守
而不可信言氣毀故有犬既一曰旱歲犬多狂死及為
怪亦是也及人則多病口喉效者故有口舌疳金色白
故有白眚白祥凡言傷者病金氣金氣病則木沴之其

極憂者順之其福曰康寧劉歆言傳曰時有毛蟲之孽
說以為於天文西方參為虎星故為毛蟲史記周單襄
公與晉卻錡卻犖卻至齊國佐語師古曰單襄公解已在前卻錡卻伯也卻
犖苦成叔也卻至昭子即温季也國佐齊大夫國武子也告魯成公曰晉將有亂三
卻其當之虛夫卻氏晉之寵人也三卿而五大夫可以
戒懼矣高位實疾顛厚味實腊毒師古曰顛仆也腊久也言位高者必速顛
仆也味厚者為毒久今卻伯之語犯叔迂季伐師古曰伯駒伯也
季也犯侵也迂季誕也伐珍尚也犯則陵人迂則誣人伐則掩人有是
寵也而益之以三怨其誰能忍之雖齊國子亦將與焉
師古曰與讀立於淫亂之國而好盡言以招人過蘇林曰招
音翹招舉也師古怨之本也唯善人能受盡言齊其有
曰盡言猶極言也

虛師古曰言無善人不能受盡言十七年晉殺三郤十八年齊殺國佐

凡此屬皆言不從之咎云晉穆侯以條之役生太子名

之曰仇師古曰穆侯穆侯之孫也條晉地也蓋以敵其

弟以千晦之戰生名之曰成師師古曰太子之弟即桓

亦地名意取能成其師衆也師服曰異哉君之名子也師古曰師夫

名以制誼誼以出禮師古曰先制義理然後立禮以體

政政以正民師古曰成俗所以正禮是以政成而民聽易則生

亂師古曰反易禮嘉耦曰妃怨耦曰仇古之命也師古曰本

自古昔而今君名太子曰仇弟曰成師始兆亂矣兄其

替師古曰及仇嗣立是為文侯文侯卒子昭侯立封

成師于曲沃號桓叔師古曰昭侯國亂身危不能自安

侯叔父故後晉人殺昭侯而納桓叔不克師古曰復立

昭侯子孝侯桓叔子嚴伯殺之晉人立其弟鄂侯鄂侯

生哀侯嚴伯子武公復殺哀侯及其弟滅之而代有晉

國師古曰武始并晉國故宣公六年鄭公子曼蒲與王

子伯廖語欲為卿師古曰曼蒲伯廖皆伯廖告人曰無

德而貪其在周易豐之離張晏曰離下震上豐上六變

弗過之矣師古曰言無道德而大其間一歲鄭人殺之

師古曰間一歲襄公二十九年齊高子容與宋司徒見

晉知伯汝齊相禮師古曰高子容齊大夫高止也宋司

大夫同賓出汝齊語知伯曰二子皆將不免子容專司

徒侈皆亡家之主也師古曰專自專則東及侈將以其

前漢五行志卷之二十一

力敵專則人實敵之將及矣九月高子出奔燕襄公三

十一年正月魯穆叔會晉歸告孟孝伯曰趙孟將死矣

師古曰穆叔即叔孫穆子也孟孝伯魯大夫仲孫羯也趙孟晉卿趙文子也名武前年十月穆叔與武同會澶

泉至此年正月乃歸其語偷不似民主師古曰且年未盈五十而

諄諄焉如八九十者弗能久矣師古曰諄諄重頓若趙

孟死為政者其韓子虛師古曰韓子虛韓子也名起吾子盍與季孫

言之可以樹善君子也師古曰季孫謂季武子也名宿

可素厚之孝伯曰民生幾何誰能毋偷師古曰幾何言

反君起朝不及夕將焉用樹穆叔告人曰孟孫將死矣吾

語諸趙孟之偷也而又甚焉九月孟孝伯卒昭公元年

周使劉定公勞晉趙孟師古曰周周景王也劉定公周

諸侯會於號因曰子弁冕以臨諸侯盍亦遠績禹功而

大庇民乎師古曰時館於洛汭因見河洛而美禹功故

追績禹功而庇蔭其人乎對曰老夫罪矣是懼焉能恤遠吾儕偷食

朝不謀夕何其長也師古曰儕等也言且得食而已苟

皆劉子歸以語王曰諺所謂老將知而耄及之者其趙

孟之謂虛師古曰諺俗所傳言也八十曰耄亂也言

晉正卿以主諸侯而儕於隸人朝不謀夕棄神人矣神

怒民畔何以能久師古曰言其自比賤隸而無恤下趙

孟不復年矣師古曰謂其即是歲秦景公弟后子奔晉

師古曰后子趙孟問秦君何如對曰無道趙孟曰亡虛

對曰何為一社無道國未艾也師古曰艾讀國於天地

有與立焉

師古曰言在天地之間多欲輔助相與共成立也

不數世淫弗能蔽

也趙孟曰天虛對曰有焉趙孟曰其幾何

師古曰言當幾時也音君

反對曰鍼聞國無道而年穀和孰天贊之也鮮不五稔

師古曰贊佐助之也鮮少也稔孰也穀孰為一趙孟視稔言少尚當五年多則或不啻也稔音入甚反

蔭曰朝夕不相及誰能待五師古曰蔭謂日之蔭影也趙孟自以年暮朝不及夕

故言五年不可待也蔭讀與陰同后子出而告人曰趙孟將死矣主民

玩歲而愒日其與幾何師古曰玩愛也愒貪也與幾何言不能久也愒音口蓋反

趙孟卒昭五年秦景公卒昭公元年楚公子圍會盟師古曰圍楚恭王之子也時為楚令尹與齊宋衛陳蔡鄭會于號

設服離衛張晏曰設服者設人君之

伯州犂曰此行也辭而

矣君哉師古曰穆子叔孫豹也言其服美似人君也

假之寡君

師古曰伯州犂楚太宰也言受楚王鄭行人之命假以此禮耳蓋為其令尹文過

子羽曰假不反矣

師古曰行人官名子羽公孫揮字也假不反矣言將遠為君

伯州

犂曰子姑憂子哲之欲背誕也

應劭曰子哲攻殺伯有今又背盟欲復作亂也

誕師古曰子哲鄭大夫公孫黑也背誕者背命放誕欲為亂也子且自憂此無憂令尹不反戈也子羽曰

假而不反子其無憂虛

師古曰言令尹將圖為君則楚國有難子亦有憂也齊國

子曰吾代二子閔矣

應劭曰閔憂也二子伯州犂行人也二子謂王子圍及伯州犂也圍以是年篡位而陳公

不能令終州犂亦為圍所殺故言可閔應說非也陳公

子招曰不憂何成二子樂矣

應劭曰言國有憂己乃得事成也師古曰招陳公

衛齊子曰苟或知之雖憂不

害師古曰齊子衛大夫齊惡也言先知為備雖有憂難無所損害退會子羽告人曰齊

衛陳大夫其不免乎國子代人憂子招樂憂齊子雖憂

弗害夫弗及而憂與可憂而樂與憂而弗害皆取憂之道也師古曰弗及而憂謂憂不及己而妄憂也太誓曰民之所欲天必從之

師古曰太誓周書也三大夫兆憂矣能無至乎師古曰兆憂謂開憂兆也言以

知物其是之謂矣師古曰物類也察其類昭公十五年晉

籍談如周葬穆后師古曰籍談晉大夫也穆后周景王之后謚穆也既除喪而

燕師古曰燕燕與宴同王曰諸侯皆有以填撫王室晉獨無有何

也師古曰填撫王室謂獻器物也填音竹刃反籍談對曰諸侯之封也皆受

明器於王室故能薦彝器師古曰明器明德之器也彝器常可寶用之器也晉

居深山戎翟之與鄰拜戎不暇其何以獻器王曰叔氏

其志諸乎師古曰叔籍談字也一曰叔父唐叔成王之叔父之使故謂之叔氏也叔父唐叔成王之

母弟其反亡分乎師古曰分音扶問反昔而高祖司晉之典籍師古

亦汝以為大正故曰籍氏女司典之後也何故志之籍師古

談不能對賓出王曰籍父其無後乎數典而忘其祖師古

祖師古曰言志之籍談歸以語叔嚮叔嚮曰王其不終乎吾聞所樂

必卒焉師古曰言志之今王樂憂若卒以憂不可謂終

王一歲而有三年之喪二焉師古曰為太子三年妻死三年乃娶甍子之志言三

年之喪師古曰太子也於是乎以喪賓燕又求彝器樂憂甚矣三

年之喪雖貴遂服禮也師古曰禮猶竟王雖弗遂燕樂已早師古

無大經矣師古曰經謂常法也既不遂服又即宴樂是失二禮言以考典以志

年孔丘卒公誄之曰昊天不弔不慈遺一老悻孱予一

經也師古曰考成也志記也志經而多言舉典將安用之哀公十六

年孔丘卒公誄之曰昊天不弔不慈遺一老悻孱予一

人應劭曰愁且辭也言是日不善於魯不且遺一老使屏蔽我一人也師古曰愁音魚觀反子贛曰

君其不歿於魯乎夫子之言曰禮失則昏名失則愆師古曰

昏謂惑也愆過也失志為昏失所為愆生弗能用死而

謀之非禮也稱予一人非名也師古曰天子自稱曰予一人非諸侯之號故云

名君兩失之二十七年公孫于邾師古曰孫讀曰遜遂死於越

解於上庶徵之恒陽劉向以為春秋大旱也其夏旱

零祀謂之大零不傷二穀謂之不雨京房易傳曰欲德

不用茲謂張孟康曰欲得賢者而不用人君徒張此意厥災荒荒旱也其旱

陰雲不雨變而赤因而除師出過時茲謂廣李奇曰廣音曠

曠也曰謂怨其旱不生上下皆蔽茲謂隔其旱天赤三月時

有電殺飛禽上緣求妃茲謂僭師古曰緣歷也言歷衆處而求妃妾也其

旱三月大温亡雲居高臺府茲謂犯陰侵陽其旱萬物

根死數有火災庶位踰節茲謂僭其旱澤物枯為火所

傷釐公二十一年夏大旱董仲舒劉向以為齊威既死

諸侯從楚釐尤得楚心楚來獻捷釋宋之執師古曰謂此年楚執

南門勞民興役師古曰南門本名稷門更改諸零旱不

雨略皆同說宣公七年秋大旱是夏宣與齊侯伐萊師古曰

萊黃縣也師古曰襄公五年秋大零先是宋魚石犇楚師古曰

古奔子也事在成十五年魚石師古曰楚伐宋取彭城以封魚

石師古曰鄭畔于中國而附楚師古曰後鄭遂不服故諸

侯屢侵襄與諸侯共圍彭城師古曰晉欒黶宋華元衛甯

伐之

趙曹人莒人邾人城鄭虎牢以禦楚師古曰事在二年
滕人薛人圍彭城師古曰事在二年
是歲鄭伯使公子發來聘師古曰公子發鄭穆
追言之師古曰公子發鄭穆
國字子使大夫會吳于善道師古曰使仲孫蔑
外結二國
內得鄭聘有炕陽動衆之應八年九月大雩時作三軍
季氏盛師古曰萬二千五百人為軍魯本立上下二軍
各主其一也師古曰萬二千五百人為軍魯本立上下二軍
比年晉使荀吳齊使慶封來聘師古曰比年類年也荀
也二十六年晉侯使來聘慶封齊師古曰比年類年也荀
大夫也二十七年齊侯使來聘師古曰比年類年也荀
是夏邾子來朝襄有
炕陽自大之應昭公三年八月大雩劉歆以為昭公即
位年十九矣猶有童心居喪不哀炕陽失衆六年九月
大雩先是莒牟夷以二邑來奔師古曰事在五年牟夷
莒大夫也二邑來奔莒大夫也二邑謂牟夷

及防莒怒伐魯叔弓帥師距而敗之昭得入晉師古曰
大夫時昭公適欲朝晉而遇莒人來討將不果行叔弓
既敗莒師公乃得去故傳云成禮大國以為援好也
外和大國內獲二邑取勝鄰國有炕陽動衆之應十六
年九月大雩先是昭公母夫人歸氏薨昭不感又大蒐
于比蒲師古曰事在昭十一年歸氏胡國之女歸姓即
音毗晉叔嚮曰魯有大喪而不廢蒐國不恤喪不思君
也君亡感容不顧親也殆其失國與三年同占二十四
年八月大雩劉歆以為左氏傳二十三年邾師城翼還
經魯地師古曰翼邾邑也經者道
大夫師古曰謂徐鉏邾人剋于晉晉人執我行人叔孫
婁師古曰叔孫昭子是春廼歸之二十五年七月上辛

大雩季辛又雩旱甚也劉歆以為時后氏與季氏有隙

師古曰后氏郈昭伯也季氏季平子也季郈之雞鬪季氏芥其雞郈子為之金距平子怒益宮於郈氏且責讓伯怨之又季氏之族有淫妻為讒使季平子與族人

相惡皆共譖平子師古曰謂平子庶叔父公鳥之妻季

公亥公思長故平子殺子家駒諫曰讒人以君微幸不

可師古曰子家駒即子家懿昭公遂伐季氏為所敗出

莒齊定公十年九月大雩先是定公自將侵鄭歸而城

中城二大夫帥師圍鄆師古曰事並在六年中城魯之

忌嚴公三十一年冬不雨是歲一年而三築臺師古曰

築臺于即夏築臺于薛秋奢侈不恤民釐公二年冬十

月不雨三年春正月不雨夏四月不雨六月雨先是者

嚴公夫人與公子慶父淫而殺二君師古曰慶父桓公

君謂子般國人攻之夫人遜于邾慶父莒莒釐公即位

南敗邾師古曰謂元年東敗莒獲其大夫師古曰謂元

師敗莒師于有炕陽之應文公二年自十有二月不雨

至于秋七月文公即位天子使叔服會葬師古曰叔服

叔氏服字會毛伯賜命師古曰亦天子使之也毛伯周

葬葬僖公又會晉侯于戚師古曰謂大夫公孫叔會之

公子遂如齊納幣師古曰納玄纁之又與諸侯盟師古

公孫叔會宋公陳侯鄭伯晉上得天子外得諸侯沛然

自大師古曰沛躋釐公主大夫始顓事師古曰謂季孫

同十年自正月不雨至于秋七月先是公子遂會四國

而救鄭師古曰謂九年楚人伐鄭公子遂楚使越椒來

聘師古曰越椒楚大夫秦人歸穆師古曰謂九年秦人

自正月不雨至于秋七月先是曹伯祀伯滕子來朝師古曰

伯使遂來聘師古曰事在十二年遂秦大夫季孫行父城

之內城二邑炕陽失衆一曰不雨而五穀皆孰異也文

公時大夫始顯盟會公孫敖會晉侯又會諸侯盟于垂

隴故不雨而生者陰不出氣而私自自行以象施不由上

出臣下作福而私自成一曰不雨近常陰之罰君弱也

惠帝五年夏大旱江河水少谿谷絕先是發民男女十

四萬六千人城長安是歲城廼成文帝三年秋天下旱

是歲夏匈奴右賢王寇侵上郡詔丞相灌嬰發車騎士

八萬五千人詣高奴師古曰即上郡之縣擊右賢王走出塞其秋

濟北王興居反使大將軍討之皆伏誅後六年春天下

大旱先是發車騎材官屯廣昌師古曰武是歲二月復

發材官屯隴西後匈奴大入上郡雲中烽火通長安三

將軍屯邊師古曰謂以中大夫令免為車騎將軍屯飛

北又三將軍屯京師師古曰謂河內太守周亞夫為將

上稅茲侯徐厲師古曰謂河內太守周亞夫為將

為將軍次棘門景帝中三年秋大旱武帝元光六年夏

大旱是歲四將軍征匈奴師古曰謂車騎將軍衛青出

上谷騎將軍公孫敖出代輕

大旱是歲四將軍征匈奴師古曰謂車騎將軍衛青出

上谷騎將軍公孫敖出代輕

大旱是歲四將軍征匈奴師古曰謂車騎將軍衛青出

上谷騎將軍公孫敖出代輕

大旱是歲四將軍征匈奴師古曰謂車騎將軍衛青出

上谷騎將軍公孫敖出代輕

大旱是歲四將軍征匈奴師古曰謂車騎將軍衛青出

車將軍公孫賀出雲中驍騎將軍李廣出鴈門元朔五年春大旱是歲六將軍
眾十餘萬征匈奴師古曰謂衛青將六將軍兵也六將軍者衛尉蘇建為游擊將軍左內史李沮為彊弩將軍太僕公孫賀為騎將軍代相李蔡為輕車將軍俱出朔方大行李息岸頭侯張次公為將軍
北平元狩三年夏大旱是歲發天下故吏伐棘上林穿
昆明池天漢元年夏大旱其三年夏大旱先是貳師將
軍征大宛還天漢元年發適民師古曰適讀曰適二年夏三將
軍征匈奴師古曰謂貳師將軍三萬騎出酒泉因扞將軍出西河騎都尉李陵將步兵五千入出居
也延北李陵沒不還征和元年夏大旱是歲發三輔騎士
閉長安城門大搜始治巫蠱明年衛皇后太子敗昭帝
始元六年大旱先是大鴻臚田廣明征益州暴師連年
宣帝本始三年夏大旱東西數千里先是五將軍眾二

十萬征匈奴師古曰本始三年御史大夫田廣明為祁連將軍後將軍趙充國為蒲類將軍雲中太守田順為武牙將軍及度遠將軍范明友前將軍韓增凡五將軍兵十五萬騎校尉常惠持節護烏孫兵咸擊匈奴是為二十萬眾也神爵元年秋大旱是歲後將軍趙充國征
西羌成帝末始三年四年夏大旱左氏傳晉獻公時童
謠曰丙之晨龍尾伏辰杓服振振取虢之旂師古曰旂均又音弋春反振音只人反鶉之賁賁天策焯焯火
中成軍虢公其蔀師古曰蔀音奔焯音吐是時虢為小
國介夏陽之阨怙虞國之助師古曰介隔也亢衡於晉有炕陽
之節失臣下之心晉獻伐之問於卜偃曰吾其濟乎師古曰
曰卜偃晉大夫主卜者偃以童謠對曰克之十月朔丙子旦日在
尾月在策鶉火中必此時也冬十二月丙子朔晉師滅

號號公醜犇周周十二月夏十月也言天者以夏正史
記晉惠公時童謠曰恭太子更葬兮後十四年晉亦不
昌昌廼在其兄是時惠公賴秦力得立立而背秦內殺
二大夫師古曰謂里克丕鄭國人不說師古曰說讀曰悅及更葬其兄恭
太子申生而不敬故詩妖作也後與秦戰為秦所獲立
十四年而死晉人絕之更立其兄重耳是為文公遂伯
諸侯師古曰霸左氏傳文成之世童謠曰鸚之鴒之公
出辱之師古曰鸚音欲鸚鴒之羽公在外野往饋之馬師古
曰饋亦鸚鴒跌跌公在乾侯臣瓚曰乾侯在魏郡斥丘
餽字鸚鴒跌跌師古曰跌求也褰袴也
跌音誅徵褰與襦師古曰徵求也褰袴也鸚鴒之巢遠
乾音干哉搖搖師古曰搖搖不安之貌稠父喪勞宋父以驕師古曰父讀曰甫甫者男

子之通號故云稠甫宋甫也言昭公欲去季氏不遂
而出故曰喪勞定公無德於下坐致君位故曰以驕鸚
鴒鸚鴒往歌來哭師古曰謂昭公生時至昭公時有鸚
鴒來巢公攻季氏敗出奔齊居外野次乾侯八年死于
外歸葬魯昭公名稠公子宋立是為定公元帝時童謠
曰井水溢滅竈煙灌玉堂流金門至成帝建始二年三
月戊子北宮中井泉稍上溢出南流象春秋時先有鸚
鴒之謠而後有來巢之驗井水陰也竈煙陽也玉堂金
門至尊之居象陰盛而滅陽竊有宮室之應也王莽生
於元帝初元四年至成帝封侯為三公輔政因以篡位
成帝時童謠曰燕燕尾涎涎師古曰涎涎光澤貌也音徒見反張公子
時相見木門倉琅根燕飛來啄皇孫皇孫死燕啄矢其

後帝為微行出遊常與富平侯張放俱稱富平侯家人
過河陽主作樂見舞者趙飛燕而幸之故曰燕燕尾涎
涎美好貌也張公子謂富平侯也木門倉琅報謂宮門
銅錢師古曰門之鋪首及銅錢也銅色青故曰倉琅鋪首銜環故謂之根錢讀與環同言將尊
貴也後遂立為皇后弟昭儀賊害後宮皇子卒皆伏辜
所謂燕飛來啄皇孫皇孫死燕啄矢者也成帝時謠
又曰邪徑敗良田讒口亂善人桂樹華不實黃爵巢其
顛故為人所羨今為人所憐桂赤色漢家象華不實無
繼嗣也王莽自謂黃象黃爵巢其顛也嚴公十七年冬
多麋劉歆以為毛蟲之孽為災劉向以為麋色青近青
祥也麋之為言迷也蓋牝獸之淫者也是時嚴公將取

齊之淫女其象先見天戒若曰勿取齊女淫而迷國嚴
不寤遂取之夫人既入淫於二叔終皆誅死師古曰謂慶父縊死
叔牙鳩卒齊人殺哀姜也幾亡社稷師古曰謂子般閔公前後見殺而齊侯欲取魯國也幾音鉅依
反董仲舒指略同京房易傳曰廢正作淫大明國多
麋又曰震遂泥李奇曰從三至五有坎象坎為水四為泥在水故曰震遂泥泥者泥溺於水
不能自拔道未光也或以為溺於淫女故其妖多麋厥
藥迷也師古曰此易震卦九四交辭也泥音乃計反厥
咎國多麋昭帝時昌邑王賀聞人聲曰熊視而見大熊
左右莫見以問郎中令龔遂遂曰熊山野之獸而來入
宮室王獨見之此天戒大王恐宮室將空危亡象也賀
不改寤後卒失國左氏傳襄公十七年十一月甲午宋
國人逐猘狗師古曰猘狂也音征何反猘狗入於華臣氏師古曰華臣華元之

也子國人從之臣懼遂奔陳先是臣兄閱為宋卿師古曰為右師

閱卒臣使賊殺閱家宰遂就其妻宋平公聞之曰臣不

唯其宗室是暴大亂宋國之政欲逐之左師向戌曰大

臣不順國之取也不如蓋之師古曰向戌宋桓公魯公孫也蓋謂覆掩其事也

廼止華臣炆暴失義內不自安故犬禍至以薜亡也高

后八年三月被霸上師古曰被者除惡之祭也音發還過枳道見物如

倉狗檝高后掖師古曰檝謂拘持之也趙王如意為崇遂病掖傷而崩先是高后鳩殺如意支

斷其母戚夫人手足推其眼以為人彘師古曰推謂敲擊去其精也推音口角反凡言彘者皆彘之別名文帝後五年六月齊雍城門外有狗

生角師古曰雍城門者齊門名也春秋左氏傳平陽之役趙武及秦周伐雍門之殺是也先是帝

兄齊悼惠王亡後帝分齊地立其庶子七人皆為王師古曰謂齊孝王將閭濟北王志菑菑川王賢膠東王卬膠西王卬濟南王卬光並城陽恭王喜是為七王兄

弟並疆有炆陽心故犬禍見也犬守御角兵象在前而

上鄉者也師古曰鄉讀曰嚮次下亦同犬不當生角猶諸侯不當舉

兵鄉京師也天之戒人蚤矣師古曰蚤古早字諸侯不寤後六

年吳楚畔濟南膠西膠東三國應之舉兵至齊齊王猶

與城守師古曰讀曰豫三國圍之會漢破吳楚因誅四王故

天狗下梁而吳楚攻梁狗生角於齊而三國圍齊漢卒

破吳楚於梁誅四王於齊京房易傳曰執政失下將害

之厥妖狗生角君子苟免小人陷之厥妖狗生角景帝

三年二月邯鄲狗與彘交悖亂之氣近犬豕之禍也師古

曰悖惑也音布是時趙王遂悖亂與吳楚謀為逆遣使
內反此下亦同是時趙王遂悖亂與吳楚謀為逆遣使
匈奴求助兵卒伏其辜犬兵革失眾之占如淳曰犬吠
守似兵革外
失農也豕北方匈奴之象逆言失聽交於異類以生害
也京房易傳曰夫婦不嚴厥妖狗與豕交茲謂反德國
有兵革成帝河平元年長安男子石良劉音相與同居
師古曰二人有如一室有如人狀在其室中擊之為狗走出去後
有數人被甲持兵弩至良家良等格擊或死或傷皆狗
也自二月至六月乃止鴻嘉中狗與彘交左氏昭公二
十四年十月癸酉王子鼂以成周之寶圭湛于河師古曰以
祭河也爾雅曰祭川曰浮幾以獲神助師古曰幾
讀曰冀甲戌
津人得之河上陰不佞取將賣之則為石師古曰陰不
佞周大夫也

是時王子鼂篡天子位萬民不鄉號令不從師古曰鄉
讀曰嚮
故有玉變近白祥也癸酉入而甲戌出神不享之驗云
玉化為石貴將為賤也後二年子鼂薨楚而死史記秦
始皇帝三十六年鄭客從關東來至華陰望見素車白
馬從華山上下知其非人道住止而待之遂至師古曰
於道上
住而待持璧與客曰為我遺鑄池君張晏曰武王君鑄
此車馬
武王伐商故神云始皇荒淫若紂矣今亦可伐也孟康
曰長安西南有鑄池師古曰鑄池在昆明池北此直江
神告鑄池之神云始皇將死因言今年祖龍死蘇林曰
祖龍也
龍人君象謂始皇也忽不見鄭客奉璧即始皇二十八年過江所
湛璧也與周子鼂同應是歲石墮于東郡民或刻其石
曰始皇死而地分此皆白祥炆陽暴虐號令不從孤陽

獨治羣陰不附之所致也。一曰石陰類也。陰持高節，臣將危君。趙高、李斯之象也。始皇不畏戒，自省反夷滅其旁民而燔燒其石。是歲始皇死，後三年而秦滅。孝昭元鳳三年正月，泰山萊蕪山南匈匈有數千人，聲民視之。有大石自立，高丈五尺，大四十八圍，入地深八尺。三石為足，石立處有白鳥數千，集其旁。眚孟以為石陰類，下民象泰山岱宗之嶽。王者易姓告代之處，當有庶人為天子者。孟坐伏誅。京房易傳曰：復崩來無咎。師古曰：復，今易崩字。作朋也。自上下者為崩，厥應泰山之石顛而下。師古曰：顛，也。聖人受命，人君虜。又曰：石立如人，庶士為天下雄，立於山，同姓平地，異姓立於水。聖人於澤，小人天漢元年。

三月天雨白毛。三年八月天雨白鼈。師古曰：凡言鼈者，毛之強曲者也。音

力之反。京房易傳曰：前樂後憂，厥妖天雨羽。又曰：邪人進

賢人逃。天雨毛。史記周威烈王二十三年九鼎震。孟康曰：威

烈一王之謚也。六國時也。師古曰：即赧王之高祖也。金震木動之也。是時周室衰

微，刑重而虐，號令不從，以亂金氣。鼎者宗廟之寶器也。

宗廟將廢，寶鼎將遷，故震動也。是歲晉三卿韓、魏、趙篡

晉君而分其地。威烈王命以為諸侯。天子不恤同姓而

爵其賊臣，天下不附矣。後三世周致德祚於秦。晉灼曰：秦

素獻其邑也。此為致德祚也。其後秦遂滅周而取九鼎。九鼎之震木沴

金，失眾甚。成帝元延元年正月，長安章城門門牡自立。

晉灼曰：西出南頭第一門也。牡是出籥者。師古曰：牡所以下閉者也。亦以鐵為之，非出籥也。函谷關

次門牡亦自亡章昭曰函谷關邊小門也師古曰非行人出入所由蓋關司曹府所在之門也
京房易傳曰飢而不損茲謂泰厥災水厥咎牡亡妖辭
曰關動牡飛辟為亡道臣為冰厥咎亂臣謀篡李奇曰
傳故谷求對曰章城門通路寢之路函谷關距山東之
險城門關守國之固固將去焉故牡飛也

五行志卷第七中之上

五行志卷第七中之下

班固

漢書二十七

正議大夫行秘書少監琅邪縣開國子頽師古曰頽注

傳曰視之不明是謂不慈厥咎舒厥罰恒與師古曰與

暎也音於六反其下並同厥疾韋昭曰以疾為罰時則有草妖時則有羸

蟲之孽師古曰蠱蟻之類無鱗甲毛羽故謂之羸蟲也音郎果反時則有羊旣時則

有日疇時則有赤眚赤祥惟水沴火視之不明是謂不

赦慈知也詩云爾德不明以亡陪亡卿不明爾德以亡

背亡仄師古曰大雅蕩之詩也言不別善惡有逆背傾仄者有堪為卿大夫者皆不知之也仄古側字

言上不明暗昧蔽惑則不能知善惡親近習長同類師古

曰習狎也近狎者則親愛之同類者則長益也亡功者受賞有罪者不殺百官

廢亂失在舒緩故其咎舒也盛夏日長暑以養物政弛

緩故其罰常與也與則冬溫春夏不和傷病民人故極疾也誅不行則霜不殺草繇臣下則殺不以時師古曰繇讀與由同言誅罰故有草妖凡妖貌則以服言則以詩聽則以聲視則以色者五色物之大分也在於管祥故聖人以爲草妖失秉之明者也師古曰謂失所執之權也音彼命反溫與生蟲故有羸蟲之孽謂螟螣之類師古曰螟食苗心螣食苗葉之蟲也螟音冥螣音徒反當死不死未當生而生或多於故而爲災也劉歆以爲屬思心不容於易剛而包柔爲離師古曰兩陽居外一陰在內故云剛柔離爲火爲目羊上角下蹠剛而包柔羊大目而不精明視氣毀故有羊旣一曰暑歲羊多疫死及爲怪亦是也及人則多病目者故有目疴火色赤故有赤眚赤祥

凡視傷者病火氣火氣傷則水沴之其極疾者順之其福曰壽李奇曰於六極之中爲疾者逆火氣致疾病也能順火氣則旣更爲福劉歆視傳曰有羽蟲之孽雞旣說以爲於天文南方喙爲鳥星故爲羽蟲旣亦從羽故爲雞雞於易自在巽說非是庶徵之怕與劉向以爲春秋亡冰也小與不書無冰然後書舉其大者也京房易傳曰祿不遂行茲謂欺厥咎與雨雪四至而溫臣安祿樂逸茲謂亂與而生蟲知罪不誅茲謂舒其與夏則暑殺人冬則物華實重過不誅茲謂亡徵其咎當寒而與六日也桓公十五年春亡冰劉向以爲周春今冬也先是連兵鄰國三戰而再敗也師古曰

戰者謂十年齊侯衛侯鄭伯來戰于郎十二年與鄭師伐宋戰于宋十三年會紀侯鄭伯及齊侯宋公衛侯燕

人戰也再敗者謂郎之戰穀梁傳曰以吾敗也又宋之戰穀梁亦曰諱敗舉其可道者也據左氏傳公羊穀梁亦曰無冰並在十四年今此云十五年未詳其意
內失百姓外失諸侯不敢行
誅罰鄭伯突篡兄而立公與相親師古曰突鄭莊公子即厲公也兄謂太子昭公奔衛故云篡兄也公與相親者謂十五年突為祭仲所逐奔蔡遂君櫟而昭公入長養同類不明善惡之罰也
師古曰言桓篡立與突董仲舒以為象夫人不正陰失節也師古曰夫人姜氏通于齊侯故云不正
成公元年二月無冰董仲舒以為方有宣公之喪君臣無悲哀之心而炆陽作丘甲師古曰時宣公薨始踰年故云有喪也丘甲解在刑法志
劉向以為時公幼弱政舒緩也襄公二十八年春無冰劉向以為先是公作三軍有侵陵用武之意師古曰作三軍者季氏欲專其非公本意此說非也侵陵用

武者謂入鄆取於是鄰國不和伐其三鄙師古曰謂十四年夏莒人伐我東鄙十五年夏齊侯伐我北鄙秋邾人伐我南鄙十六年二月齊侯伐我北鄙
被兵十有餘年因之以饑饉百姓怨望臣下心離公懼而弛緩不敢行誅罰師古曰弛放也音式爾反
楚有夷狄行公有從楚心不明善惡之應師古曰有從楚心謂董仲舒指略同一也
曰水旱之災寒暑之變天下皆同故曰無冰天下異也桓公殺兄弑君外成宋亂與鄭易邑背畔周室師古曰隱攝公位又桓之兄故云殺兄弑君也成宋亂者謂宋華父督弑其君殤公及其大夫孔父以郕大暴賂公公會齊侯鄭伯于稷而平其亂也與鄭易邑謂以太山之田易許田也許田者魯朝宿之邑也而以與鄭明魯之不朝於王故云背
成公時楚橫行中國師古曰謂成二年楚師侵衛遂侵我師于蜀六年七月楚公子嬰齊帥師伐鄭九年嬰齊帥師伐莒十五年楚子伐鄭十六年楚子與晉侯鄭伯戰于鄆陵十

八年楚王札子殺召伯毛伯師古曰王札子即王子捷也召伯毛伯皆周大夫也今春秋經王札子殺召伯毛伯事在宣十師古曰王札子即王子捷也晉敗天子之師于貿戎師古曰貿戎戎別種也公羊傳成元年王師敗績于貿戎孰敗之蓋晉敗之貿音莫侯反天子皆不能討襄公時天下諸侯之大夫皆執國權師古曰謂襄十六年會于溴梁諸侯之大夫盟皆類此君不能制漸將日甚善惡不明誅罰不行周失之舒秦失之急故周衰亡寒歲秦滅亡奧年武帝元狩六年冬亡冰先是比年遣大將軍衛青霍去病攻祁連絕大幕師古曰比類也祁連山名也幕沙磧也直度曰絕祁音上反窮追單于斬首十餘萬級還大行慶賞乃閔海內勤勞是歲遣博士褚大等六人持節巡行天下師古曰行音下更反存賜鰥寡假與之困舉遺逸獨行君子詣行在所郡國

有以為便宜者上丞相御史以聞天下咸喜昭帝始元二年冬亡冰是時上年九歲大將軍霍光秉政始行寬緩欲以說下師古曰說讀曰悅僖公三十三年十二月隕霜不殺草劉歆以為草妖也劉向以為今十月周十二月於易五為天位為君位九月陰氣至五通於天位其卦為剝師古曰坤下艮上剝落萬物始大殺矣明陰從陽命臣受君令而後殺也今十月隕霜而不能殺草此君誅不行舒緩之應也是時公子遂顛權師古曰謂父子即東門襄仲也時為卿專執國三桓始世官師古曰謂父子相繼為卿也天戒若曰自此之後將皆為亂矣文公不寤其後遂殺子赤三家遂昭公師古曰並已董仲舒指畧同京房易傳曰臣有緩茲謂不順解於上

厥異霜不殺也書序曰伊陟相太戊亳有祥桑穀共生師古曰商書咸乂之序也其書亡伊陟伊尹子也太戊太甲孫也亳穀所都也桑穀二木合而共生設音穀傳曰俱生乎朝七日而大拱師古曰兩手合伊陟戒以修德而木枯劉向以為穀道既衰高宗承敝而起盡涼陰之哀天下應之師古曰涼信也陰默也言君哀信默居喪之廬也謂三年處於廬中不言涼音力羊反據今尚書及諸傳記太戊卒子仲丁立卒弟何廬甲立卒子祖乙立卒子盤庚立卒小乙之子武丁立是為高宗桑穀自太戊時生涼陰乃高宗之事而此云桑穀即高宗時出其說與尚書大傳不同既獲顯榮怠於政事國將未詳其義也或者伏生差謬既獲顯榮怠於政事國將危亡故桑穀之異見桑猶喪也穀猶生也殺生之秉失而在下師古曰秉音彼命反近草妖也一日野木生朝而暴長小人將暴在大臣之位危亡國家象朝將為虛之應也師古

曰虛讀書序又曰高宗祭成湯有蜚雉登鼎耳而雊師古曰蜚音飛字雊音工巨反祖己曰惟先假王正厥事師古曰祖己殺賢臣假大也言先代大道之王能正其事而災異銷也劉向以為雉雊鳴者雄也以赤色為主於易離為雉雉南方近赤祥也劉歆以為羽蟲之孽易有鼎卦師古曰巽下離上也鼎宗廟之器主器奉宗廟者長子也野鳥自外來入為宗廟器主是繼嗣將易也一日鼎三足三公象而以耳行師古曰鼎非舉耳不得行故云以耳野鳥居鼎耳小人將居公位敗宗廟之祀野木生朝野鳥入廟敗亡之異也武丁恐駭謀於忠賢修德而正事內舉傳說授以國政師古曰武丁夢得賢相乃以所夢之像使求之得於傳巖立以為相作詒命三篇說讀曰悅外伐鬼方以安諸夏師古曰鬼方絕遠之地一日國

名夏大也中國大故能攘木鳥之妖致百年之壽師古於戎狄故曰諸夏却也音人羊反所謂六沴作見若是共御五福廼降用章于下者也師古曰共讀曰恭御讀曰禦言恭己以禦災也一說御治也恭治其事也一曰金沴木曰木不曲直僖公三十三年十二月李梅實劉向以為周十二月今十月也李梅當剝落今反華實近草妖也先華而後實不書華舉重者也陰成陽事象臣顓君作威福一曰冬當殺反生象驕臣當誅不行其罰也故冬華華者象臣邪謀有端而不成至於實則成矣是時僖公死公子遂顓權文公不寤後有子赤之變一曰君舒緩甚與氣不臧則華實復生董仲舒以為李梅實臣下疆也記曰不當華而華易大夫不當實而實易相室應劭

曰冬水王木相故象大臣冬實者變置丞相與官室也但華則變大夫也師古曰相室猶言相國謂宰相也合韻故言相室相室者相王室冬水王木相故象大臣劉歆以為庶徵皆以蟲為孽思心羸蟲孽也李梅實屬草妖惠帝五年十月桃李華棗實昭帝時上林苑中大柳樹斷仆地一朝起立生枝葉有蟲食其葉成文字曰公孫病已立又昌邑王國社有枯樹復生枝葉畦孟以為木陰類下民象當有故廢之家公孫氏從民間受命為天子者昭帝富於春秋霍光秉政以孟妖言誅之後昭帝崩無子徵昌邑王賀嗣位狂亂失道光廢之更立昭帝兄衛太子之孫是為宣帝宣帝本名病已京房易傳曰枯楊生稊師古曰大過九二爻辭也稊揚秀之胎生者音徒奚反枯木復生人君亡子元帝

初元四年皇后曾祖父濟南東平陵王伯墓門梓柱卒
生枝葉上出屋孟東曰王伯莽之祖也師古曰莽高祖
劉向以為王氏貴盛將代漢家之象也後王莽篡位自
說之曰初元四年莽生之歲也當漢九世火德之厄而
有此祥興於高祖考之門門為開通梓猶子也言王氏
當有賢子開通祖統起於柱石大臣之位受命而王之
符也建昭五年兗州刺史浩賞禁民私所自立社張晏
開三月九月又社號曰私社臣瓚曰舊制二十五家為
一社而民或十家五家共為田社是私社師古曰瓚說
是山陽橐茅鄉社有大槐樹師古曰橐縣名也屬山陽
郡茅鄉橐縣之鄉也橐音吏伐斷之其夜樹復立其故處成帝永始元年二月
河南街郵檮樹生支如人頭師古曰郵謂行書之舍檮

反丑倫 眉目須皆具亡髮耳哀帝建平三年十月汝南西
平遂陽鄉柱仆地生支如人形師古曰仆身青黃色面
白頭有顛髮稍長大凡長六寸一分京房易傳曰王德
衰下人將起則有木生為人狀哀帝建平三年零陵有
樹僵地師古曰僵圍丈六尺長十丈七尺民斷其本長
九尺餘皆枯三月樹卒自立故處師古曰卒京房易傳
曰棄正作淫厥妖木斷自屬師古曰屬妃后有顛
木仆反立斷枯復生師古曰顛天辟惡之謂天子也師
音壁元帝永光二年八月天雨草而葉相摻結大如
彈丸師古曰摻繞也平帝元始三年正月天雨草狀如
永光時京房易傳曰君吝於祿信衰賢去厥妖天雨草

昭公二十五年夏有鸛鶴來巢劉歆以為羽蟲之孽其
色黑又黑祥也視不明聽不聰之罰也劉向以為有蜚
有蠱不言來者氣所生所謂眚也師古曰此蜚謂真蜚也其為蜚真蠱短孤即今所謂水螫也隱元年有蜚莊十八年有蠱蜚音域蜚亦作蠱其音同耳鸛鶴言來者
氣所致所謂祥也鸛鶴夷狄穴藏之禽來至中國不穴
而巢陰居陽位師古曰今之鸛鶴中國皆有依周官而故異而書之而此云夷狄禽未喻其意又此鳥本亦象巢居不皆穴處也書巢者著其居止字乳不即去也
季氏將逐昭公去宮室而居外野也鸛鶴白羽旱之祥
也穴居而好水黑色為主急之應也天戒若曰既失眾
不可急暴急暴陰將持節陽以逐爾去宮室而居外野
矣昭不寤而舉兵圍季氏為季氏所敗出奔于齊遂死

于外野董仲舒指略同景帝三年十一月有白頸烏與
黑烏羣鬪楚國呂縣白頸不勝墮泗水中死者數千劉
向以為近白黑祥也時楚王戊暴逆無道師古曰戊楚元王之孫也
刑辱申公與吳王謀反烏羣鬪者師戰之象也白頸者
小明小者敗也墮於水者將死水地王戊不寤遂舉兵
應吳與漢大戰兵敗而走至於丹徒為越人所斬墮死
於水之效也京房易傳曰逆親親厥妖白黑烏鬪於國
昭帝元鳳元年有烏與鵲鬪燕王宮中池上烏墮池死
近黑祥也時燕王旦謀為亂遂不改寤伏辜而死楚燕
皆骨肉藩臣以驕怨而謀逆俱有烏鵲鬪死之祥行同
而占合此天人之明表也燕一烏鵲鬪於宮中而黑者

死楚以萬數關於野外而白者死象燕陰謀未發獨王
自殺於宮故一烏水色者死楚炆陽舉兵軍師大敗於
野故衆烏金色者死天道精微之效也京房易傳曰專
征劫殺厥妖烏鵲關昭帝時有鷄鵠或曰禿鷲師古曰鷲鵠即水食魚因名禿鷲亦水鳥也鷄音大奚反鵲音胡鷲音
秋集昌邑王殿下王使人射殺之劉向以為水鳥色青
青祥也時王馳騁無度慢侮大臣不敬至尊有服妖之
象師古曰謂多治及注冠又以冠奴也故青祥見也野鳥入處宮室將空
王不寤卒以亡京房易傳曰辟退有德厥咎狂厥妖水
鳥集于國中師古曰辟君也成帝河平元年二月庚子泰山山
桑谷有鷲焚其巢師古曰鷲鵠也音緣男子孫通等聞山中羣鳥

鷲鷲聲往視見巢難盡墮地中師古曰鷲古然字有三鷲鷲燒
死師古曰鳥子新生而哺者曰鷲音口豆反又音工豆反樹大四圍巢去地五丈
五尺太守平以聞鷲色黑近黑祥貪虐之類也易曰烏
焚其巢旅人先笑後號咷師古曰旅卦上九爻辭也咷音逃泰山岱宗
五岳之長王者易姓告代之處也天戒若曰勿近貪虐
之人聽其賊謀將生焚巢自害其子絕世易姓之禍其
後趙蜚燕得幸立為皇后弟為昭儀姊妹專寵聞後宮
許美人曹偉能生皇子也師古曰曹偉能宮人姓名昭儀大怒令上奪取而殺之皆并殺其母成帝崩昭儀自
殺事乃發覺趙后坐誅此焚巢殺子後號咷之應也一
曰王莽貪虐而任社稷之重卒成易姓之禍云京房易

傳曰人君暴虐鳥焚其舍鴻嘉二年三月博士行大射
禮有飛雉集于庭歷階登堂而雉後雉又集太常宗正
丞相御史大夫大司馬車騎將軍之府又集未央宮承
明殿屋上時大司馬車騎將軍王音待詔寵等上言天
地之氣以類相應師古曰以經術待詔其人各寵不記姓也流俗書本寵上輒加孫字非也
譴告人君甚微而著雉者聽察先聞雷聲故月令以紀
氣師古曰謂季冬之月云雉雉雞乳也經載高宗雉之異師古曰已以解於上
明轉禍為福之驗今雉以博士行禮之日大衆聚會飛
集於庭歷階登堂萬眾睢睢師古曰睢睢仰目貌也音乎惟反驚怪連
日徑歷三公之府太常宗正典宗廟骨肉之官然後入
宮其宿留告曉人具備深切師古曰宿音先就反留音力救反雖人道

相戒何以過是後帝使中常侍謁閤詔音曰聞捕得雉
毛羽頗摧折類拘執者得無人為之師古曰言人救此雉故欲為變異者
音復對曰陛下安得亡國之語不知誰主為佞調之計
師古曰謂古語也誣亂聖德如此者左右阿諛甚眾不待臣音
復調而足也師古曰足益音子喻反公卿以下保位自守莫有正言
如令陛下覺寤懼大禍且至身深責臣下繩以聖法臣
音當先受誅豈有以自解哉今即位十五年繼嗣不立
日日駕車而出流行流聞師古曰言帝行多驕佚醜惡流布聞於遠方也海內
傳之甚於京師外有微行之害內有疾病之憂皇天數
見災異師古曰見顯示欲人變更終已不改天尚不能感動陛
下臣子何望獨有極言待死命在朝暮而已如有不然

老母安得處所尚何皇太后之高祖天下當以誰屬乎如淳曰老母音之老母也當隨已受罪誅也又謂己言深切觸悟人主積愆而死必行之誅不能復顧太后也師古曰如說非也此言總屬於成帝耳不然者謂不如所諫而自修改也老母帝之母即太后也言帝不自修改國家危亡太后不知處所高宜謀於賢知克已相天下無所付屬也屬音之欲反復禮以求天意繼嗣可立災變尚可銷也成帝綏和二

年三月天水平襄有燕生爵哺食至大俱飛去師古曰謂與母俱去京房易傳曰賊臣在國厥咎燕生爵諸

侯銷一曰生非其類子不嗣世史記魯定公時季桓子

穿井得土缶中得蠱若羊師古曰缶益也即今之益近羊禍也羊者

地上之物幽於土中象定公不用孔子而聽季氏暗昧

不明之應也一曰羊去野外而拘土缶者象魯君失其

所而拘於季氏季氏亦將拘於家臣也是歲季氏家臣

陽虎囚季桓子後三年陽虎劫公伐孟氏兵敗竊寶玉

大弓而出亡師古曰寶玉謂夏后氏之璜大弓謂封父之繁弱皆魯始封之分器所受於周也定

八年陽虎作亂不克竊左氏傳魯襄公時宋有生女子

赤而毛棄之隄下宋平公母共姬之御者見而收之師古曰名成公讀曰恭因名曰弃疾而美好納之平公生

子曰佐後宋臣伊矣讒太子痤而殺之師古曰事在襄

才戈先是大夫華元出奔晉師古曰華元奔華弱奔魯

師古曰事在襄華臣奔陳師古曰事在襄華合比奔衛師古曰

在襄六年華臣奔陳襄十七年華合比奔衛師古曰

六年據今春秋合比奔在殺太子劉向以為時則火災

赤眚之明應也京房易傳曰尊卑不別厥妖女生赤毛

前漢書卷之九

惠帝二年天雨血於宜陽一頃所劉向以為赤眚也時

又冬雷桃李華常與之罰也是時政舒緩諸吕用事讒

口妄行殺三皇子建立非嗣師古曰三皇子謂趙隱王如意趙幽王友趙恭王恢

皆高帝子也建立非嗣謂立後宮美人子為嗣及不當立之王孟康曰吕氏三王也退王

陵趙堯周昌師古曰惠帝六年王陵為右丞相惠帝崩吕后欲廢陵遷為太傅實奪之相推高祖

以趙堯為御史大夫高后元年怨堯前定趙王如意之策乃抵堯罪周昌為趙相趙王見鵠殺昌謝病不朝見

三歲而薨吕太后崩大臣共誅滅諸吕僵尸流血京房易傳

曰歸獄不解茲謂追非厥咎天雨血茲謂不親民有怨

心不出三年無其宗人又曰佞人祿功臣僂天雨血師古

曰僂古哀帝建平四年四月山陽湖陵雨血廣三尺長

五尺大者如錢小者如麻子後二年帝崩王莽擅朝誅

貴戚丁傅大臣董賢等皆放徙遠方與諸吕同象誅死

者少雨血亦少

傳曰聽之不聰是謂不謀厥咎急厥罰恒寒厥極貧時

則有鼓妖時則有魚孽時則有豕禍時則有耳疴時則

有黑眚黑祥惟火沴水聽之不聰是謂不謀言上偏聽

不聰下情隔塞則不能謀慮利害失在嚴急故其咎急

也盛冬日短寒以殺物政促迫故其罰常寒也寒則不

生百穀上下俱貧故其極貧也君嚴猛而閉下臣戰栗

而塞耳則妄聞之氣發於音聲故有鼓妖寒氣動故有

魚孽雨以龜為孽服虔曰多雨則龜多出龜能陸處非極陰也魚

去水而死極陰之孽也於易坎為豕豕大耳而不聰察

聽氣毀故有豕禍也一曰寒歲豕多死及為怪亦是也
及人則多病耳者故有耳疴水色黑故有黑眚黑祥凡
聽傷者病水氣水氣病則火沴之其極貧者順之其福
曰富劉歆聽傳曰有介蟲孽也庶徵之恒寒劉向以為
春秋無其應周之末世舒緩微弱政在臣下與煖而已
故籍秦以為驗師古曰秦始皇帝即位尚幼委政太后
太后淫於呂不韋及嫪毐師古曰嫪或音居則反嫪姓
士之無行者嫪音郎到反音烏改反與今史記漢書
本文不同且嫪樂之姓又非嫪也故當依本字以讀
封毒為長信侯以太原郡為毒國宮室苑囿自恣政事
斷焉故天冬雷以見陽不禁閉以涉危害舒與迫近之
變也始皇既冠毒懼誅作亂始皇誅之斬首數百級大

臣二十人皆車裂以徇夷滅其宗遷四千餘家於房陵
是歲四月寒民有凍死者數年之間緩急如此寒與輒
應此其效也劉歆以為大雨雪及未當雨雪而雨雪及
大雨雹隕霜殺草皆常寒之罰也劉向以為常雨屬
貌不恭京房易傳曰有德遭險茲謂逆命厥異寒誅過
深當與而寒盡六日亦為雹害正不誅茲謂養賊寒七
十二日殺蜚禽師古曰蜚飛也道人始去茲謂傷道服虔曰有
道之人去
其寒物無霜而死漏水出戰不量敵茲謂辱命其寒雖
雨物不茂聞善不予厥咎公八年十月雨雪周十
月今八月也未可以雪劉向以為時夫人有淫齊之行
而桓有妬媚之心
師古曰媚謂夫妬
婦也音莫報反夫人將殺其象見

也師古曰謂桓不覺寤後與夫人俱如齊而殺死凡雨
陰也雪又雨之陰也出非其時迫近象也董仲舒以為
象夫人專恣陰氣盛也釐公十年冬大雨雪劉向以為
先是釐公立妾為夫人陰居陽位陰氣盛也公羊經曰
大雨電董仲舒以為公脅於齊桓公立妾為夫人不敢
進群妾師古曰已故專壹之象見諸電皆為有所漸脅
也孟康曰謂陰氣漸脅行專壹之政云昭公四年正月大雨雪劉
向以為昭取於吳而為同姓謂之吳孟子師古曰魯與
禮同姓不為婚故諱不稱吳君行於上臣非於下又三
家已彊皆賤公行慢母之心生師古曰母董仲舒以為
季孫宿任政陰氣盛也師古曰季孫宿李武子也文帝四年六月大

雨雪後三歲淮南王長謀反發覺遷道死師古曰遷於蜀未至而死
於雍故曰道死京房易傳曰夏雨雪戒臣為亂景帝中六年三
月雨雪其六月匈奴入上郡取苑馬吏卒戰死者二千
餘人明年條侯周亞夫下獄死武帝元狩元年十二月
大雨雪民多凍死是歲淮南衡山王謀反發覺皆自殺
使者行郡國治黨與師古曰行音下更反坐死者數萬人元鼎二
年三月雪平地厚五尺是歲御史大夫張湯有罪自殺
丞相嚴青翟坐與三長史謀陷湯師古曰謂朱買臣為丞相長史也青翟自殺三長史皆棄市元鼎三年三月水
冰四月雨雪關東十餘郡人相食是歲民不占緡錢有
告者以半畀之師古曰言政急刻也占音之贖反元帝建昭二年十一

月齊楚地大雪深五尺是歲魏郡太守京房為石顯所

告坐與妻父淮陽王舅張博博弟光勸視淮陽王以不

義師古曰視博要斬光房棄市御史大夫鄭弘坐免為

庶人成帝即位顯伏辜淮陽王上書寬博辭語增加師

曰言博本為石顯所家屬徙者復得還建昭四年三月

雨雪燕多死谷永對曰皇后桑蠶以治祭服共事天地

宗廟師古曰恭正以是日疾風自西北大寒雨雪壞敗

其功以章不鄉師古曰言不當宜齊戒辟寢以深自責

齊師古曰齊讀曰避請皇后就宮蒿閉門戶毋得擅上師古

與隔同擅上謂輒至御所也上音時掌反一曰擅且令

眾妾人人更進以時博施皇天說喜師古曰更音工庶

幾可以得賢明之嗣即不行臣言災異愈甚天變成形

臣雖欲復捐身闕策不及事已師古曰言雖欲并捐其

亦無所及其後許后坐祝詛廢陽朔四年四月雨雪燕

雀死後十六年許皇后自殺定公元年十月隕霜殺菽

師古曰劉向以為周十月今八月也消卦為觀師古曰

菽大豆陰氣未至君位而殺誅罰不由君出在臣下之象也

是時季氏逐昭公公死于外定公得立故天見災以視

公也師古曰視釐公二年十月隕霜不殺草為嗣君微

失秉事之象也師古曰謂襄仲專權殺嫡立其後卒在

臣下則災為之生矣異故言草災故言菽重殺穀師古

其事為重不一曰菽草之難殺者也言殺菽知草皆死

比於殺草也

也言不殺草知菽亦不死也董仲舒以為菽草之彊者
天戒若曰加誅於彊臣言菽以微見季氏之罰也武帝
元光四年四月隕霜殺草木先是二年遣五將軍三十
萬眾伏馬邑下師古曰謂御史大夫韓安國為護軍將
軍衛尉李廣為驍騎將軍太僕公孫賀
為輕車將軍大行王恢為將屯將
軍太中大夫李息為材官將軍欲襲單于單于覺之
而去自是始征伐四夷師出三十餘年天下戶口減半
京房易傳曰興兵妄誅茲謂亡法厥災霜夏殺五穀冬
殺麥誅不原情茲謂不仁其霜夏先大雷風冬先雨廼
隕霜有芒角賢聖遭害其霜附木不下地佞人依刑茲
謂私賊其霜在草根土隙間不教而誅茲謂虐其霜反
在草下元帝永光元年三月隕霜殺桑九月二日隕霜

殺稼天下大飢是時中書令石顯用事專權與春秋定
公時隕霜同應成帝即位顯坐作威福誅釐公二十九
年秋大雨雹劉向以為盛陽雨水溫暖而湯熱陰氣脅
之不相入則轉而為雹師古曰雹雨雪
雜下音先見反故沸湯之在閉
器而湛於寒泉則為冰孟康曰投湯器中以沈寒泉
而成也師古曰湛讀曰沈及
雪之銷亦冰解而散此其驗也故雹者陰脅陽也雹者
陽脅陰也春秋不書雹者猶月食也釐公末年信用公
子遂遂專權自恣將至於殺君故陰脅陽之象見釐公
不寤遂終專權後二年殺子赤立宣公師古曰公子遂
東門襄仲也赤
文公太子左氏傳曰聖人在上無雹雖有不為災說曰
即惡也

凡物不為災不書書大言為災也凡電皆冬之愆陽夏之伏陰也師古曰愆過也過陽也昭公三年大雨電是時冬溫也伏陰夏寒也季氏專權魯君之象見昭公不寤後季氏卒遂昭公元封三年十二月雷雨電大如馬頭宣帝地節四年五月山陽濟陰兩電如雞子深二尺五寸殺二十人蜚鳥皆死師古曰蜚其十月大司馬霍禹宗族謀反誅霍皇后廢成帝河平二年四月楚國雨電大如斧蜚鳥死左傳曰釐公三十二年十二月己卯晉文公卒庚辰將殯于曲沃出絳柩有聲如牛劉向以為近鼓妖也喪凶事聲如牛怒象也將有急怒之謀以生兵革之禍是時秦穆公遣兵襲鄭而不假道還晉大夫先軫謂襄公曰秦師

過不假塗請擊之師古曰先軫即原軫遂要峭阨師古曰峭今以敗秦師匹馬躡輪無反者服虔曰躡音奇偶之音師古曰躡音操之急矣師古曰操持也謂執持晉不惟舊而聽君曰虜謀結怨疆國四被秦寇禍流數世凶惡之效也師古曰虜謂秦也朱博為丞相少府趙玄為御史大夫臨延登受策有大聲如鐘鳴師古曰延入而登殿也漢舊儀云永殿中郎吏陞者皆聞焉師古曰陞者謂上以問黃門侍郎揚雄李尋尋對曰洪範所謂鼓妖者也師法以為人君不聰

前漢五行志卷之六

為衆所惑空名得進則有聲無形不知所從生其傳曰
歲月日之中則正卿受之今以四月日加辰已有異是
為中焉正卿謂執政大臣也宜退丞相御史以應天變
然雖不退不出期年其人自蒙其咎師古曰期年十二
月也蒙猶被也期
音揚雄亦以為鼓妖聽失之象也朱博為人彊毅多權
謀宜將不宜相恐有凶惡亟疾之怒師古曰亟急
也音君力反八月
博玄坐為姦謀博自殺玄減死論京房易傳曰令不修
本下不安金母故自動若有音史記秦二世元年天無
雲而雷劉向以為雷當託於雲猶君託於臣陰陽之合
也二世不恤天下萬民有怨畔之心是歲陳勝起天下
畔趙高作亂秦遂以亡一日易震為雷為貌不恭也史

記秦始皇八年河魚大上劉向以為近魚孽也是歲始
皇弟長安君將兵擊趙反死屯留軍吏皆斬遷其民於
臨洮師古曰本使長安君擊趙至屯留而謀反作亂故
賜長安君死斬其軍吏遷其黔首也屯留上黨縣
也臨洮即今之洮州也明年有瘰毒之誅魚陰類民之
屯音絕洮音土高反象逆流而上者民將不從君令為逆行也其在天文魚
星中河而馭車騎滿野至于二世暴虐愈甚終用急亡
京房易傳曰衆逆同志厥妖河魚逆流上武帝元鼎五
年秋蛙與蝦蟇羣鬪師古曰蛙音胡鳩
蝦音假蟇音麻是歲四將軍衆
十萬征南越師古曰謂伏波將軍路博德出桂揚下皇
水樓船將軍楊僕出豫章下潁水歸義越
侯巖為戈船將軍出零陵下離
水田甲為下瀨將軍下蒼梧開九郡師古曰謂得越
地以為南海蒼
梧鬱林合浦交趾九真
日南珠崖儋耳郡也成帝鴻嘉四年秋雨魚于信都

漢五行志卷之七下 十八

長五寸以下成帝末始元年春北海出大魚長六丈高一丈四枚哀帝建平三年東萊平度出大魚師古曰平度東萊之

縣長八丈高丈一尺七枚皆死京房易傳曰海數見巨

魚邪人進賢人踈師古曰數音所角反桓公五年秋螽師古曰螽即阜螽即

今之螽蟴也螽音終螽音之庸反劉歆以為貪虐取民則螽介蟲之孽

也與魚同占劉向以為介蟲之孽屬言不從是歲公獲

二國之聘取鼎易邑師古曰二國宋鄭也宋以郕鼎與賂公鄭以泰山之田易許田也興

役起城師古曰謂五年夏城祝丘也諸螽略皆從董仲舒說云嚴公

二十九年有蜚劉歆以為負蟻也性不食穀食穀為災

介蟲之孽師古曰蟻音扶味反蟻音頰劉向以為蜚色青近青皆也

非中國所有南越盛暑男女同川澤淫風所生為蟲臭

惡師古曰蜚者中國所有非南越之蟲未詳向所說是時嚴公取齊淫女為夫

人既入淫於兩叔故蜚至天戒若曰今誅絕之尚及不

將生臭惡聞於四方嚴不寤其後夫人與兩叔作亂二

嗣以殺師古曰二嗣謂子般及閔公也卒皆被辜師古曰謂二叔哀姜皆不得其死也已解

上董仲舒指略同釐公十五年八月螽劉向以為先是

釐有鹹之會後城綠陵師古曰僖十二年公會齊侯宋公陳侯衛侯鄭伯許男曹伯于

鹹城衛地十四年而與諸侯城綠陵紀邑也是歲復以兵車為壯立會使

公孫敖帥師及諸侯大夫救徐師古曰十五年公會齊侯宋公陳侯衛侯鄭伯許男曹伯盟于壯立遂次于匡公孫敖帥師及諸侯之

大夫救徐公孫敖孟穆伯也諸侯之大夫即所與會諸侯也時楚伐徐故救之兵比三年在外師古曰比類也文公三年秋兩螽

于宋劉向以為先是宋殺大夫而無罪師古曰謂僖十五年經書宋

殺其大夫不書有暴虐賊斂之應師古曰謂宋昭公也穀梁傳曰

上下皆合言甚師古曰上下皆合言甚董仲舒以為宋三世內取

不中師古曰中故蝻先死而至劉歆以為蝻為穀災卒

遇賊陰墜而死也八年十月蝻時公伐邾取須朐城郟

向以為先是時宣伐莒師古曰事在四年後比再如

齊謀伐萊師古曰比頻也謂四年秋及五年春十三年

秋蝻公孫歸父會齊伐莒師古曰事在十一年歸父東

十五年秋蝻宣亡熟歲數有軍旅襄公七年八月蝻

劉向以為先是襄興師救陳師古曰謂五年楚伐陳公

救陳也滕子郊子小邾子皆來朝師古曰六年滕子來

來朝師古曰亦七年之哀公十二年十二月蝻是

時哀用田賦師古曰言重斂劉向以為春用田賦冬而

蝻十三年九月蝻十二月蝻比三蝻虐取於民之效也

比頻也師古曰劉歆以為周十二月夏十月也火星起伏螿蟲

皆畢天之見變因物類之宜不得以蝻是歲再失閏矣

周九月夏七月故傳曰火猶西流司曆過也宣公十五

年冬蠖生師古曰爾雅曰蠖蝻蝻者以為蝻蝗劉歆

以為蠖蠖蠹之有翼者孟康曰蠖食穀為灾黑管也董

仲舒劉向以為蠖螟始生也一日螟始生是時民患上

力役解於公田師古曰解宣是時初稅畝稅畝就民田

宣是時初稅畝稅畝就民田

宣是時初稅畝稅畝就民田

宣是時初稅畝稅畝就民田

宣是時初稅畝稅畝就民田

宣是時初稅畝稅畝就民田

宣是時初稅畝稅畝就民田

宣是時初稅畝稅畝就民田

宣是時初稅畝稅畝就民田

畝擇美者稅其什一亂先王制而為貪利故應是而歸
生屬羸蟲之孽景帝中三年秋蝗先是匈奴寇邊中尉
不害將車騎材官士屯代高柳師古曰魏不害武帝元光五年
秋螟六年夏蝗先是五將軍眾三十萬伏馬邑欲襲單
于也師古曰已是歲四將軍征匈奴師古曰謂車騎將
將軍公孫敖出代輕車將軍公孫賀軍衛青出上谷騎
出雲中驍騎將軍李廣出鴈門也元鼎五年秋蝗是
歲四將軍征南越師古曰已及西南夷師古曰越駝義
人發夜郎兵征開十餘郡師古曰定越地為九郡定西
西南夷平之南夷為武都牂柯越嶲沈黎
汶山郡凡元封六年秋蝗先是兩將軍征朝鮮師古曰
十四郡船將軍揚僕左將軍荀開三郡師古曰武紀云以其地
彘將軍應募罪人擊之彘將軍應募罪人擊之開三郡師古曰武紀云以其地
三蓋傳寫志者誤云太初元年夏蝗從東方蠶至敦煌

師古曰蠶三年秋復蝗元年貳師將軍征大宛天下奉
其役連年征和三年秋蝗四年夏蝗先是一年三將軍
眾十餘萬征匈奴師古曰謂三年貳師將軍廣利將七
人出西河重合侯馬萬人出五原御史大夫商立成二萬征和三年貳師七萬人沒不還平
通四萬騎出酒泉帝元始二年秋蝗徧天下是時王莽秉政左氏傳曰嚴
公八年齊襄公田于貝丘師古曰貝丘齊地見豕從者曰公子
彭生也公怒曰射之豕人立而噓公懼墜車傷足喪屨
劉向以為近豕禍也先是齊襄淫於妹魯桓公夫人使
公子彭生殺威公又殺彭生以謝魯公孫無知有寵於
先君襄公紂之師古曰無知魯公弟夷仲年之子無知
帥怨恨之徒攻襄於田所師古曰怨恨之徒謂連襄匿

其戶間足見於戶下遂殺之傷足喪屨卒死於足虛急
之效也昭帝元鳳元年燕王宮求巷中豕出園壞都竈
師古曰園者養豕之牢也都竈
豕炊之大竈也園音胡頓反銜其脯六七枚置殿前
晉灼曰脯
古文豎字劉向以為近豕禍也時燕王旦與長公主左
將軍謀為大逆誅殺諫者暴急無道竈者生養之本豕
而敗竈陳脯於庭脯竈將不用宮室將廢辱也燕王不
改卒伏其辜京房易傳曰衆心不安君政厥妖豕入居
室史記魯襄公二十三年穀洛水鬪將毀王宮劉向以
為近火沚水也周靈王將擁之有司諫曰不可長民者
不崇敷不墮山不防川不實澤師古曰長前為前之長
水者墮毀也防止也
崇敷也敷謂澤之無
實穴也墮音火規反今吾執政母乃有所辟邪辟之辟

而滑夫二川之神師古曰滑使至于爭明
亂也音骨臣贊曰明水
明謂
神靈以防王宮室王而飾之母乃不可乎師古曰言為
欲防固王宮
使水不得毀
故過飾二川懼及子孫王室愈卑王卒擁之以傳推之
以四瀆比諸侯穀洛其次卿大夫之象也師古曰穀洛
皆大水故為
之次為卿大夫將分爭以危亂王室也是時世卿專權
僭拈將有篡殺之謀師古曰僭拈僭李之子簡王之孫
也篡殺之謀謂除喪服將見靈王
過庭而數曰嗚
呼必有此夫如靈王覺寤匡其失政師古曰匡正也懼以承
戒則災禍除矣不聽諫謀簡媢大異師古曰諫謀謂單
公子愆旗聞僭拈
之言恐必為言請殺之王不
聽也簡媢大異謂不憂穀洛
早也以逆水執而害鬼神後數年有黑如日者五是歲
蚤霜靈王崩景王立二年僭拈欲殺王而立王弟佞夫

佞夫不知景王并誅佞夫師古曰事在襄三十年及景王死五大

夫爭權或立子猛或立子朝王室大亂師古曰五大夫謂劉子單子尹

氏召伯毛伯也巳解於上京房易傳曰天子弱諸侯力政師古曰政亦征也言

專以武力相征討一說諸侯之政當以德禮今王室微弱文教不行遂乃以力為政相攻伐也厥異水

關史記曰秦武王三年渭水赤者三日昭王三十四年

渭水又赤三日劉向以為近火沴水也秦連相坐之法

棄灰於道者黥孟康曰商鞅為政以弃灰於道必坊人坊人必闢故設黥刑以總其原也臣贊

也師古曰孟說是也坊音浦頓反罔密而刑虐加以

武伐橫出殘賊鄰國至於變亂五行氣色譁亂天戒若

曰勿為刻急將致敗亡秦遂不改至始皇滅六國二世

而立昔三代居三河河洛出圖書師古曰謂夏都安邑即河東也殷都朝歌

即河內也周都洛陽即河南也秦居渭陽而渭水數赤師古曰數音山角反瑞異

應德之效也京房易傳曰君洒于酒淫于色師古曰洒流也音莫

賤賢人潛國家危厥異流水赤也

五行志卷第七中之下



五洲志
卷之六
甲午
一
三

